


Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4580/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4580/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4580/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4580/A

4580/A

J. J. 89. XXVII



~~ss x 11 ag~~

NOTAE

GRP

5/53

Comm. D. de 77, 102 J.
4714
NOTAE
VNGVENTIMA-
GNETICI ET EIVSDEM
ACTIONIS.

Q V A S
IN CELEBRI ET CATHOLICA
VNIVERSITATE DILINGANA,

PRAESIDE
GASPAR E WENCKH
SOCIETATIS IESV PHILOSOPHIÆ
PROFESSORE ORDINARIO

publicabunt
REVERENDI ORNATISSIMI
*Doctissimi Domini Philosophiæ
Candidati,*

ANNO CHRISTIANO

CIO. IDC. XXVI. Quinto Calendas
Quintiles.

Cum Facultate Superiorum.

✂ (o) ✂

DILINGÆ,

Formis Academicis.

Apud IACOBVM SERMODI.



M A R I A E
CÆLITVM REGINÆ
AVGVSTISSIMÆ
POTENTISSIMÆ

VIRGINVM SAPIENTISSIMÆ
MATRI ADMIRABILI
SAPIENTIÆ SOLI.

SS. I G N A T I O
ET

X A V E R I O

M A G N Æ M A T R I S
M A G N I S C V L T O R I B V S
Æ T A T E M D E B I T I
C V L T V S M O N V M E N T V M

D. D.

CANDIDATI CLIENTES.





PROOEMIUM.



Edicorum Apollo Hippocrates
lib. de decenti ornatu, Cocleni,
cuncta quibus ad Sapientiam opus,
medicinæ inesse vult: pecuniæ sci-
licet contemptum &c. Modestiam
&c. Fugam mercimoniorum & superstitionis.
Quæ ornamenta Medicorum cum te videam in-
super habere, pessundata Modestia, in tam ue-
rilibus & anilibus conuitiis consarcinandis in P.
Ioannem Roberti, virum Societatis nostræ do-
ctrinâ præstantem, vitâ, moribusque, quem con-
tra tuas calumnias autoritas Magistratus Eccle-
siastici ciuilibusque defenderet, si opus foret. affe-
ctata superstitione vnguente Magnetici; prioris te
admonere volui ex tuæ artis principiis; postero-
ris accusare amore veritatis, nō altercandi studio,
ne paulatim philosophiæ pallio & Magiæ na-
turalis mātelo Magia Nigra se velaret. Sicut sub
schemate Medicinæ à ciniflonibus Agyrtis pas-
sim *Turbethum* minerale pro Mercurio vitæ ma-
gnō precio vēditur, *corallium* in calcem redactū
pro panacea opifera proclamatur, *Aqua vitæ*
croco tincta pro auro potabili propinatur, *ferrī*
prænsta lanugo, quam crocum Martis vocant. ad-

misto aliquo fucopro auri tinctura iactatur. nam
vt Aristoteles noster 4. Met. t. 26. non omne
quod videtur & apparet, verum est.

SYNOPSIS.

Defensio Magnetice curationis vulnerum im-
pressa Francofurti priori anno extructa est
sex punctis inter quæ princeps mira hæc vulnerum
curatio ex cuius philosophiæ principis sit demon-
stranda? 2. quâ ratione vel potius medio virtus à
telo vnguento delibuto propagetur, ac perueniat ad
vulneratum absentem & vulnus? 3. Natura oc-
cultè agentis, h. e. Sympathiarum & Antipathia-
rum mira ac varia exempla proferuntur ex auto-
ribus probatis & bonis (præfiscine dixeris) 4. cla-
rioris demonstrationis & confirmationis gratia ac-
cedit historia mirandarum virtutum virumq;
incognitarum herbarum quarundam & animalium
5. Curationis (characteristica & sigillorum na-
turalium defensio. 6. Et tandem ipsius vnguenti
descriptio & usus.

§ I.

Ex Qua philosophia sit hæc curatio.

Prius inueheris in Inscitiam plurium quàm
respondeas, sicut tuus est mos: cui nisi mag-
nam scientiam opponas nemo dolebit illius ia-
ctura Illa autem scientia inquis, est philosophia A-
stralis, Sideralis, seu Magnetica, cognitio scilicet
proprietaryum spiritalium totius nature h. e. ma-

gni

gni & minoris mundi, consistit autem, (vti pergis) in Sympathismo seu Magnetismo, & Antipathismo (seu Theamedismo, quia Theamedes lapis respuit ferrum) uterq; verò per Astralisimum perficitur mediante Symarthrisimo spiritus seu animæ mundi communissimæ, secretissimæ, mysticæ. Ex quibus verbis has notas deduco. 1. tuam philosophiam esse solùm astralem, quæ vix minimæ particulæ peripaticæ respondet, libris de cælo; immo minori minimæ, videlicet quæstiunculæ de *Influentiis*; quâ ne iactes ab Academicis ignorari, en Neoptolemos publicitùs defendentes, qui per actionē indistans vnguēti illius fortassis vngent calceos, vt meliù stent. 2. reliquas partes philosophiæ te ignorare, vel negligere, quorum neutrū doctiorem faciet, sed necessariò infinitis erroribus obnoxium: quid en in fine cognitione principiorum philosophicorū sciri possit iudicēt prudentes, tu cōsule veteres, quorū deliria totus etiānum mundus ridet: nisi *Homæmeriam*, *Atomos*, *Chaos*, *Ideas Platonicas Colchodæa* pertuum spiritum mundi suscitare velis. 3. te omnia principia negaturum, contra quē proinde disputandum non sit. 4. te Logicam nescire sine qua nemo philosophus est, multo minus professor, cum sit modus sciendi: si nullam aliam partē philosophiæ didiceris nisi astralem. quoties ergo non Epomide, sed sacco vestiēre in tuis disputationibus, vt adeò dignior sis illā nomenclaturā.

cudonis, quam P. Ioannes Roberti. 5. te non esse
 Medicum Rationalem, sed Empiricum, omnia
 solo euentu metientem non ratione, vti frequē-
 ter facis in hoc libello immemor refutationis à
 Nobilissimo Medico Raymundo Minderero in
 sua Threnodia medica c. 14. his verbis contentæ:
*Si quis dolis aut furtis diues euaserit, sensus eum di-
 uitem simpliciter iudicabit, utpote quem de facto
 bonis affluere experitur: ratio autem quâ occasione,
 quouē modo diues euaserit perquiret, & non tan-
 tūm quid sit, sed quâ conditione sic se habeat exa-
 minabit, ac proinde nullas eas diuitias reputabit,
 quas malo titulo partas citò quoq; perituras esse no-
 uerit. Simili planè ratione telungio vtentes cum se
 sanatos esse vident, de tam felici opere sibi gratu-
 lantur, & quid fecerint vident quidem; sed quo-
 modo id effecerint haud agnoscunt. multa facere
 non est artis, sed multa rectè hæc ille. nō ergò suffi-
 cit astralis philosophia, quæ nequit ex logicæ le-
 gibus rerum naturalium reddere causas à priori
 vel posteriori, & doctiori analysi asserta quæli-
 bet ad sua principia reducere, vt etiam Doctori-
 bus & Academicis satisfiat, non tātūm stibiariis, &
 pharmacopæis. II. Quomodo hæc philosophia
 est cognitio proprietatum spiritaliū totius na-
 turæ hoc est magni & minoris Mūdi, si non plura
 doceat scire quam 1. Antipathiam. 2. Sympa-
 thiam. 3. astralisimum seu Influentialas. 4. sy-
 narthrisimum spiritus seu animæ mundi, siue vt
 tei-*

teipsum explicas connexionem sublunarium
cum astris. nihil ergò scis de *lumine*; quod inter
hæc quatuor non est, & tamen ob suam nobili-
tatem à quibusdam inter spirituales qualitates
numeratur: vide Franciscum Patricium lib. 1.
panaugiæ, & dictionarium pauperum, c. 63. Sed
ex obscuritate paracelsica satis apparet parum
te lucis amare cum tuis artibus, & libris. 2. ni-
hil de motu locali cælestium corporum, quo ig-
norato nemo bonus Astrologus est: quomodo
ergò philosophiam astralē intelliges? hæc autem,
vt cætera mittam, sequuntur, si nullam aliam phi-
losophiā admittas nisi hanc his quatuor para-
doxis compactam. Si verò plura velis scire con-
cedes ultro in nostram philosophiam, ex cuius
principiis delibutio tua se prodet in concessam.
præter hæc quatuor generalia principia tuæ phi-
losophiæ videris deinceps velle. 22. particularia
afferre, sed insipienti patebit meram esse tauto-
logiam prius dictorum videlicet antipathiam &
Sympathiam rebus, insitam esse. 2. occultas
qualitates & vires sublunaribus. 3. singulis
rebus certum dominari astrum. 4. nullam a-
ctionem fieri posse. n. 17. sine contactu materia-
li vel spirituali, suppositi vel virtutis, vt peripate-
tici loquuntur: quod est quidem aliquid peculia-
re, sed non patrocians vnguini tuo. 5. Quali-
tates alias materiales esse, alias formales, priores
materiæ temperamenti proprias esse, nec effectus

producere valentes nisi alienâ operâ de potentia in actum excitentur, sicut in pharmacis patet, quæ ad vires suas effectusq; exercendos ingenito calore indigent, & has materiæ immerfas adhærere, crassiores ac ignauiores esse. posteriores substantiam necessariò comitari, & formis propiores esse, tantæque penetrationis, vt in res diuersissimis à se disiunctas interuallis actiones suas extendant atque diffundant. hoc dictum etiam peculiare quidem est, sed inauditum apud omnes sanos Medicos & Philosophos nullum materiæ præter Quantitatem proprium accidens admit, tentes: tu integrum temperamētum tribuis: quomodo aliud formarum temperamentum secum pati potest? sed quæso pertenta pulsum, & vide vbi sint duo illa temperamenta manus tuæ? 2. quānam aliæ Qualitates inhærent materiæ, aliæ formæ? quā purgatione noxias Qualitates per antipathiam tuam inuolantes formam ex ea sola expelles, vt non attingas materiam? 3. nonne ipsæ formæ omnes præter humanam materiæ inexistunt, cur non ergo etiam eiusdem Qualitates?

III. Hæc sunt vniuersa principia tuæ philosophiæ: ex quibus sequuntur hæ notæ. i. non esse responsum ex qua philosophia sit tua curatio Magnetica, cuius enim philosophiæ sunt hæ ipsa principia? non adeo communia
tei-

te ipso teste: olim quæ philosophiæ celebres fuerint, nosti; nostris sæculis in publicis Academicis Thomistarum, Scotistarum, Nominalium claruerunt, vindices veritatis contra Auerroista & impios Arabes, qui tamen Aristotelē commentati non aspernati fuere. aliam publicum nondum vidit, nisi sub occultis schediasmatibus Paracelsistarum, & Rosæcruciorum. Dic sodes cuium pecus? an times Ptolomæum, lib. 1. cap. 2. & 3. obuiuentem, quia non bona fide quod artis suæ est exercent, & quia inanem, & temerariam profitentur scientiam, & quia Reipub. ac principibus maximè perniciosi sunt semper malè audière, adeoque eos suæ conditionis ac vitæ pudet, ut non audeant publicè suam artem profiteri. apud Alexan. de Angelis lib. 2. c. 2. II. ex principiis his tam generalibus quam particularibus potissima nulla esse. Quis enim est ille spiritus mundi? nisi quem Marinus Mersennus in Genesin cap. 4. Versic. 10. art. 5. his verbis depingit: Goclenius per suam magicam & nobiliorem causam, nempe spirituale vehiculum, & vinculum illam vulnerati absentis sanationem explicat, & lucidum mundi spiritum calorum Rectorem, seu vaporem mediæ inter corporatas & incorporatas substantias naturæ, opificem, sculptorem & formatorem introducit, ut magnetica curatio formis quibusdam inter vulnus & unguentum.

A

mediâ intercapedine mutuo occurſu unitis contin-
 gat: verum cum hac anima mundi nulla ſit, ab ea
 diligentius cauendum, quo peius audiunt illi tene-
 briones, quiſeam poſt Platonem, Iamblichum, Ma-
 crobium, Apuleium, Thaletem & Agrippam re-
 uocare ſatagunt, ex ea ſiquidem illa portenta con-
 cluderentur. 1. celeſtem illam animam eſſe fon-
 tem omnium animarum, quæ fabricatori Deo ſub-
 ſeruiat apud Apul. de dogmate Platonis. 2. mē-
 tem vniuerſalem eſſe, quâ ſinguli intelligant, ut im-
 pij Arabes cum Auerroe crediderunt. 3. non ſo-
 lum Magi, ſed etiam Athei hac anima & hoc ve-
 hiculo ſpirituale ſuas impietates tuerentur: Et vt
 clarior ſit huius ſpiritus nomenclatura ex tuis &
 aliorum ſcriptis vocat illum alibi Ineolam natu-
 ræ inuiſibilis, animæ mundanæ ſcintillulam ma-
 gneticam agentem efficaciffimè, cæli imagina-
 tionem, & eius animam ſolem macrocoſmi-
 cum.

I V. Sed quid ex mente tua ſpiret hic ſpiri-
 tus examinemus; accidens vel ſubſtantiam facis
 tanquam tranſcendens pro varietate rerum, qui-
 bus coniungitur, & paulo poſt omnium miran-
 dorum effectorum inſinuas eſſe cauſam. Nota 1.
 hoc principium ex philoſophia Paracelſi eſſe, Er-
 neſti Burgrauij Lampade, Panaplo. Crollij Ba-
 ſilica & Archimago Agrippa, ne dicam Rhodo-
 ſtaurorum hodiernorum, quorum te puduit phi-
 loſophiam fateri. 2. contra tuos auctores aſſe-

ris

ris mundi animam esse accidens, qui dicunt illum
esse viuens & spirans substantiale principium o-
mnium actionum totius vniuersi, vide Platonem
in Timæo an verè dixeris hic Plato loquitur: nisi
cum Academicis apud S. August. 7. de ciuit. Mū-
di animam ex lineis in circuli figuram conuolu-
tis, & ex numeris harmonicis componas. 3. quo-
modo est Transcendens ad substantiam & Acci-
dens, si est accidens; nōne logicorum summæ
clamant transcendens esse neutrum suorum me-
brorum, sed aliquid abstractum & Superius, sicut
ens nec est substantia nec Accidens, & substantia
summum Genus nec spiritus nec corpus. 4. vel
intelligis animā veram Physicam, vel metapho-
ricam cum Chymicis, vtrique peccas; prior
non est accidens, & si diceres tu, solā absurditate
refutatum satis foret. posterior, multo minus, vt
videbis in Tirocinio Chymico Ioannis Beguini
lib. 2. c. 4. Qui sensibilibus corporum principia
ex Alchymistarum furno non nisi tria admittit,
quæ sunt *Mercurius*, qui est liquor acidus pene-
trabilis æthereus purissimus Aeri & Aquæ affinis.
Sulphur, *Sal*: in hæc enim aiunt mixta resolui, at-
que ex viridi ligno vstulato quod exeat primò,
aquosum quid, & inflammationi ineptum esse, at
in fimum conuersum, si colligeretur in aquam
resolui; (hæc fortassè causa est cur aliquando ca-
mini destillēt sudo cælo, vel lacunaria & parietes
lignei siccissimi fumo hoc afflati) nec hac ratione
c̄ flam-

è flamma potum petere impossibile, dicique
 Mercurium. 2. *oleaginosum* quid inflammabile
 facile ebullire, quod in vapores resolutum, si co-
 hibeatur, in oleum confluat, vocarique sulphur
 3. *siccum* & terrestre remanere, quod ex cineribus
 aquæ beneficio extrahitur, inque humido & fri-
 gore solvatur, calore autem concreascit, & sal no-
 minari: sic in lacte butyrum est sulphur, serum
 Mercurius, caseus salin ouo albumen Mercurius,
 vitellus sulphur, putamina pelliculæq; sal: in lini
 expressione oleum emanat, ab oleo separari po-
 test aqua, sal ex fecibus relictis extrahi. 4. addunt
 cælestium *seminum influxum*, quo impregnantur,
 qui si cum influentiis conueniat, semper est acci-
 dens, nunquam substantia; quomodo ergo est in-
 differens hic spiritus ad accidens & substantiam,
 vel quomodo aliquando ex accidente fiet substā-
 tia? cætera verò principia Chymicorum vt vide s
 substantiæ puræ putæ sunt. nec igitur in philoso-
 phia cōmuni, vel Chymica reperies, quod asserta
 tua de hoc spiritu defendat, fortassis iste spiritus
 est *caput mortuum* vel *terra damnata* & *phlegma*,
 quæ duo corpora reiiciunt à principiis Alchymi-
 stæ, quod illorum tantum sint integumenta. 1.
 enim est cinis elotus nulla vi Hippocraticâ præ-
 ditus nisi ficcante & emplastica facile in vitrum
 conflabilis. 2. insipidus & inodorus humor ac-
 cidentaliter aëreus citra vllum medicā *crepyerant*
 tantum humectans. profectò saltem nomen, si
 non

non res ipsa conuenit huic spiritui horum duorum chymicorum retrimetorum.

V. Cuilibet rei peculiare astrum præficis & ideo plantas radices lapides metalla spiritus astra diuina quadam consortij lege conspirare N. 21. dicis. vbi dubium est, an cuilibet speciei tantum vnum astrum attribuas, vt ex his verbis videtur. colligitur: *cuilibet rerum speciei peculiare astrum. &c.* an etiam singulis indiuiduis singula sidera tribuas, quod sequentia verba videntur indicare: vt. *ita qualibet planta, quodlibet metallum, quilibet preciosus lapillus a certa stella, vel astro impressionem agendiq; potentiam accipiat.* Vbi nota 1. nec Medicos nec Philosophos meliores negare occultas quasdam Influentias sideribus. ita Sol Heliotropion & scorpiuri flores ad occasum ab ortu secum vertit: Ostrea conchilia, conchæ omnes cum luna pariter crescunt, & decrescunt: item maculæ in dorso pantheræ, eiusdemq; numero respondent foricum fibræ. Formica interlunio semper quiescit, plenilunio etiam noctu facit opus, selenites singulis diebus lunæ crescentis decrescensque imaginem exhibet apud Georgium Agricola libro quinto, de Nat. Foss. Anno CIO. IO. XCVIII. Quarto Idus sextiles Romæ ouum Gallina peperit in eclipsi Solis duobus inæqualibus circulis nigris incinctum tam dextrè sese regentibus, vt alter

alter solem occultum, alter lunam occultentem, referret, qui etiam, sicut eclypsis deficiebat, aspectum suum situmque variabant, dum prorsus vna cum eclypsi euanescerent. Formica nono die, à Lunæ coitu, quem aduersum sibi nouit, nusquā prorepat: inter humida verò piscibus, aquis, medullis, cerebro animalium Luna creditur dominari: inter radices allio ac cepis tanquam maximè humidis: hinc allium Lunâ sub terris positâ satum, & eadem latente sub terra reuulsum odoris fæditate cariturum: sata semina crescente Luna grandiores & insipidiores plantas progignere; Lunâ verò deficiente minores & acriores. hinc fortè radices & herbæ grossiores raro præstant odore & sapore: quin etiam ex Ozimo geminum miraculum edunt: nam primâ Lunâ tritum & in ollam nouam inditum sub plenilunio ab altero capite flores emittit, 2. demum duplo tempore defossam sub terra strifiones educat seu scorpiones. nouimus etiam medicos obseruare eiusdem decrements & incrementa in morbis curandis, fabros in lignis cædendis certa tempora; Hortulanos, Agricolas in plantando & ferendo. quia cum Luna sit humidorum mater, aiunt, in plenilunio vites aut arbores frugiferas insitas parum frugis parere, quod nimis augeatur humor in illis, quem virtus naturalis digerere nequeat, & propterea humidum temperatum, in fructus conuertendum, cum sit intemperatum in ramos

ramos & folia luxuriare; hoc non contingere lunâ nouâ aut semiplenâ; itaque tum vites & frugiferas arbores inferendas; salices verò, populos, abietes, in quibus nihil præter frondes & ramos sperari potest, plenilunio: vbi copia humorum frondium multitudinem germinabit. 2. scimus Cælum esse vniuersalem Causam plures effectus diuersæ speciei producentem, & fermè ad omnem actionem sublunarem saltem indirectè aliquid actione suâ conferentem, non tamen immediatè in actiones inferiorum influendo, sicut prima causa concurrat, sed tantum producendo qualitates actioni sublunarium commodas: item particularem causam Mixtorum inanimatorum Auri, Mineralium, Lapidum (si non vident, ut communior est philosophia) cæterorumque effectorum, quæ principaliter producit.

VI. Hæc naturalia sunt & à recta ratione, non aliena, sed ab his ad superstitiosa deuenitur, ut à sole spiritum accipere hominem, à Luna corpus, à Marte Sanguinem, à Mercurio Ingenium, à Ioue desiderium, à Venere Cupiditatem, à Saturno Humorem. quæ non nisi à poetis ortum habent: quem spiritum homo à Sole acciperet? animam? quæ tamen est immortalis ingenerabilis. spiritus vitales, an animales? at hos maximè destruit Solis æstus, ut vides in Marito Iudith. anno bissextili putat Sauanarola sterilefcere animalia & mulieres, quæ verò pepererint cum

cum labore parere: cum tamen hic annus solum ab arbitrio hominum pendeat, & à quolibet initium sumi poterat. Sic ordinem mensium, quibus in utero fatus est, diuidunt in planetas; primo Saturnus, secundo Iuppiter atque ita gradatim præsit. ac rursum octauo Saturnus: Nono Iuppiter, ideoque octimestrem partum esse periculosum, quod Saturnus ferale sidus frigore debilitet infantem, cum tamen toto orbe tot puerperis è singulis mēsis quilibet esse possit octauus. vnde cæteri planetæ penitus excluderentur: deinde singulis diebus præficiunt alii planetam, alij etiam singulis horis. quomodo ergo solus Saturnus integro octauo mēsi dominari potest, nisi dicant non esse naturalem hanc potestatem Saturni, sed voluntariam, sicut regis belli domique imperantis eodem tempore: sed quis in hoc arbitrium animauit inanimatos siderum globos, qui nihil possunt nisi naturaliter & necessario agere? Eosdem Imperatores dant humoribus corporis: flauæ bili Martem, Melancholiæ Saturnū, pituitæ Lunam, sanguini Solem & Iouem: sed cur non etiam Venus & Mercurius associantur alicubi, ne repulsam patiantur: vel cur Luna Dominium suum in humore sic distribuit: & Iuppiter inæqualium virium cum sole æqualem sanguinis portionem curabit? cui culpa tribuenda vitiosi sanguinis? vter curabit emissum per phlebotomiam, aut nasi destillationem? vter tradet suos

suos fasces & cui, cum sāguis in pus abierit? Item soli subesse dicitur cor, Marti fel, Ioui Iecur, os, lingua Mercurio, Saturno caput. excluditur hic Luna & Venus, fortè quia fæminæ: at Luna cerebro dominatu, quid ergo cum reliqua calua faciet Saturnus? ex ætatibus verò Infantia Lunæ: pueritia Mercurio, adolescentia Veneri, Iuuetus soli. ætas virilis Marti, Senium Saturno: verum in animalibus quis planetarum præest ætati? membra etiam & humores in his ætatibus quomodo retinebūt suos præfectos priores? In Metallis aurum subdunt soli; Lunæ argentum, Marti ferrum & Chalybem. Saturno plumbum, Ioui stannum, & Electrum, Mercurio argentum viuum, Veneri æs. Quos merito ridet in Cardanum Scalig. Exer. 106. Qui septem solum esse Naturalia metalla hac phantasia demonstraturum se pollicebatur. Quid Mercurio (nam alij huic tribuūt) cum Electro an è Sole ac Luna compositus, quæ admodū ex auro & argento electrum. Si propter Mutationem naturæ, qua transit in aliorum, quibus congredditur, potestatem, compositum, esse dicant, dabunt etiam metallum è Sole, & Mercurio conflatum: cum vtrouis enim æque init ille Societatem. dein Veneri potius argentum designat tanquam felicissimo siderum; Lunæ argentum viuum, quod celeritas & multiplex transfiguratio communis vtrique videri possit. Ex Raziele orichalcum à Chaldæis ait Ioui attribui. Quis verò

B

præsi-

præsidebit æri cyprio, quis æri albo quod Plinius apud eundem cit. loc. ait, in argenti fodinis reperiri? Quis orichalcho in Funduribus fossili, & chalybi tum factitio, tum Naturali, quod in Aquitania locis aliquot effoditur: ergo superstiosi hi Pharmacarij non conueniunt in suis influxibus cælo depluentibus, per quas sparsiones in hoc mundi theatrum decidunt; quid ergo aliis tanquam certa omnia prædicant, quæ ipsi dubitant? nisi ipsi pro arbitrio mutare possint influentias siderum. Rectè ille: *modo inquit aliquid dicant velut y, qui rabiem Cerbeream ad Dryphacta profitentur, nihil pensi habent.* Quamobrem planetas illos suos colonias mittere cogentur, ad metalla nostra hæc omnia frequentanda. Quia nec ipsas stellas fixas lōgè superiores omnib. planetis immunes esse sinūt, easq; in cōgressu cū planetis illorū vim & naturā imitari fingūt & Saturnias esse gelidas ac grādinosas: Iouiales ventosas, salubres: Martias tonitruosas, impetuosas, pcellosas: quæ si cū Saturno permisceantur, pestilentes suffocantes: solares æstuosas ventosas: venereas humidas frigidas: Mercuriales indifferētes: venereis coniunctas venenosas, pestilentes: cum Iouialibus positas tempestuosas; quæ si non falsa, incertissima sunt: certior experientia Orionis, Arcturi, coronæ tempestates ciētium: capræ, Hædorum ventosarum, Hyadum, pleiadum pluuiosarū vtriusque caniculæ & anteriorum Leonis partiū æstuosarū. *vide Georg. Busti. tract. Astron.* Sed at-

tendite quæso vnde fluxerit hæc planetarum di-
uifio nonne ex instituto Gentilium Idololatrarū,
vt hoc ipfo Christianis benè instructis rerum di-
uinarum cognitione dedecori sint? Inspecite ca-
lendarium Bragenfe nuper editum super hac pla-
netaria fuperfitione: nec dubito multos Doctos
viros mirari cur Christiani Magiftratus tam fla-
gitiofa prognoftica ferant hodiernorum Vrano-
fcorū, quæ nihil aliud moliuntur, quā vt fidem
diuinæ prouidentię è fidelium animis pellant, fu-
perfitiones doceāt & fidem Chrifti cōtēptui de-
dāt. Agite vos Chriftiani Mathematici, quod nu-
per feliciter cæptū vidi, Gētilitios Ioues & Satur-
nos cælo deturbate. proftibula Ethnica perpetua
Eclypsi obducite, fiderumque conftellationibus,
ficut olim diebus hebdomadariis Ecclefia, Chri-
ftiana nomina imponite, quid tunc faciet Athea
Gens ἀσποῦ & ἀδολόγων?

VII. Nimis ergo tu cælum postulas repetū-
darum. 1. siue fingulis speciebus siue Indiuidu-
is fingula astra designes. vel enim plura sunt astra
quam res sublunares, vel pauciora; si primum qua
probabis ratione cetera fore otiosa? si secundum,
possunt ergo res aliquæ sine astris manu ducenti-
bus agere; cur aliquæ & non omnes? qui potest 2.
omnis res vt dicis. N. 3. seu indiuiduū cū incipit ef-
fe sub determinata cōstellatione, accipere mirabi-
lē quandā virtutē operandi, vel patiendi, prater eā,
quā habet à specie? sed video quò tendas: duplex

temperamentum contra Aristotelem, lib. 1. de
 Gen. t. 48. & vniuersam philosophiam somnias.
 1. ex primis Qualitatibus. 2. confectum ex oc-
 cultis astrorum viribus cum Cardano text. 11.
 lib. Ptolom. cui Fernel. lib. 1. de abditis rerum
 causis. cap. 8. & seq. tertium superingerit. ratio
 tua est vnica, *id enim ostendunt operationes varix
 lapidum & plantarum, nec in specie nec in genere
 conuenientes, non à materia variè disposita, sed va-
 rio influxu, formam diuersam sortiæ*: vbi contra
 Logicam erras: omnes enim res eiusdem prædi-
 camenti sunt vniuocæ, & Genere & specie pos-
 sunt conuenire: sed actiones illæ vtique in nullo
 alio prædicamento ponentur, quàm Actionis:
 dein cassa sequela est. cum etiam cælum varias
 operationes habeat, nec tamen petat duplex hoc
 temperamentum. Lumen quàm varias operatio-
 nes exercet, calefacit, penetrat densa vitra, aquã
 aërem & cælos, per angustum foramen immis-
 sum res foris cum pulcherrima topographia de-
 pingit in charta, per quamcunque rimulam tra-
 lucens circuli formam seruat, etiam per angula-
 ria foramina incidens rotundatur propter radio-
 rum equidistantiam vel solis orbem, quem refert:
 ergo multiplex in se temperamentum comple-
 ctitur? negabitur ab omnibus scientiarum Tiro-
 nibus consequentia. 3. aliud Temperamentum
 præter Mixturam primarum quatuor Qualita-
 tum fictitium est contra experientiam & ratio-
 nem.

nem. 1. quidem, quia destructâ temperie primarum Qualitatum omne mixtum corrumpitur, nec vllum hactenus conseruatum est à cælesti illo temperamento; lapides enim, ligna exurit ignis caloris & siccitatis actione: humor item cōfluens alicubi ex aqua putere facit omnia; cur cæligenæ illæ Qualitates non succurrunt tanquam potentiores vt tu ais N. 2. ? nullum igitur temperamentum est, quod subterfugere, aut vincere possit efficaciam primarum Qualitatum; aut exhibe sis vllam experientiam, & simul ostēderis temperiem illam Nubigenam. 2. verò; quia non video, cur expectanda illa cælestis Qualitas in Germinatione plantæ ex semine, cum vtique parens prima planta si vllam talem cælo Qualitatem hausit, potuerit illam in suum semen transfundere, sicut primas Qualitates quatuor, & deinde in rosam V. G. recens natam: nec dicas agere nil posse cælicam illam Qualitatem; cum instar luminis per aeris regionem demissa similem produxerit in prima planta; quid nī posset in aliam propagare? vt saltem rationem reddere nequeas cur in prima Generatione res quælibet mirabilem virtutem operandi accipiat à determinata Constellatione.

VIII. Enimvero in prima Generatione seu Creatione rerum omnium, quæ Deus singulis diebus produxit simul nōne determinatam & certam Constellationem eandem habuerunt,

B 5 nec

nec tamen tum omnia easdem vires operandi acquisiêrunt, non igitur *omnis res cum incipit esse sub determinata constellatione accipit mirabilem quandam vim* &c. 2. Si certa hæc vis ab astris imprimitur rebus sublunaribus, quâ fit vt multa apud nos sponte deficient, aliaque in alia dëgenerent, cùm tamen *isdem res conseruentur, quibus producuntur*? nam Theophrasto autore triticum in Lolium transit, ocymum in serpillum, Sisymbrium in mentham odore, figura verò in Calamentum, multaque florum genera, nisi subinde transplantentur, & à sua specie, & ab insita vi ac generositate desciscunt, ita viola altilis spectatissimus flos nisi quotannis situm loci mutare condiscat, in humilem ac degenerem flosculum minusq; odoratum deficit. Siluestria verò incultaq; fruteta in hortos cultos translata lib. 2. Georg.

*Exuernit Siluestrem animum, cultuq; frequenti
In quasq; voces artes, haud tarda sequuntur.*

In huiusmodi degeneratione rerum, quò deuenit illa vis tua impressa cælitùs? cur spiritus ille vniuersi tuus tam in curiosus est, vt illas implantatas occultas vires permittat à terra sic permutari? sic igitur iudico influentias concedendas esse siderũ, quę tamen se mutuò mirificè tēperant, vt patet ex congressu planetarum & signorum Zodiaci; (& quod te advertere velim, nō probabis facile V. G. in cuiusq; Magnetis Generatione eandē esse Cōstellationē semper: multo minus credibile est na-

turā semper expectare, dum redeat eadē cælo facies in excoquendo Magnete, & tamen eandem vim saltē in eadē regione effossi habent) has tamē directē non influere in actiones inferiorū, sed indirectē solum producendo Qualitates cōmodas vel incommodas sublunarium actionibus. deinde hoc fortē credere res omnes habere proportionem ad recipiendas influentias cælestes, sed omnes in prima productione recepisse, vt tu dicis, quis credet, cū quotidie sidera in inferiora hæc agant? consentit præter citatos ex Theologis Medin. lib. 2. de recta in Deum fide. Alexāder de Angelis lib. 1. plurib. cap. Vales. controu. medic. lib. 7. & cōmunis extra Rhodostauros, Paracelsistas & Medicastrōs astroiatras seu calendarios. Obiicies medicas obseruationes apud Hippocrat. lib. de aëre &c. præcipientē arcturum solstitia & canem attendere: respondet clarissimus Medicorū Mindererus Threnod. c. 17. *nō præcipere quod signa ipsa cælestia certi quidpiam sint tunc temporis molitura sed quod tunc prædictæ anni partes, vel in summo sui statu substituta, vel unius decursu absoluto, altera prægressam subsequens suam sit ætatem inchoatura; circa quas conuersiones anni veris, æstatis, Autūni. Hyemis incipiētis morbi variantur, vel inchoāt, vel desinūt iuxta Aphor. Mutationes tēporū pariunt morbos. cuilibet. n. partiū anni, ppria tēperies caloris. frigoris. humiditatis, siccitatis debetur, à qua si recesserūt, varij morbi infestāt. hic. 5. Aph. 3. Auster auditū hebetat, caliginē*

obducit oculis, grauis est capiti, corpus laxat. Aquilo tusses mouet, faucium morbos affert, vrinās difficiles, duras aluos reddit, laterum consequenter dolores ac pleuritides accersit. Periculosius permutant subinde tempora vices suas tepescēte hyeme, vere sicco & Aquilonio lib. 3. Aph. abortus, infirmorum fœtuum parturitiones, Dysenteria Ophthalmia, senibus Catarrhi compendium vitæ facturi minantur. Sicca verò & Aquilonia æstate autumno pluuio iuncta Cephalgia, tusses, rauedines, grauedines & tabifici morbi timendi. Si ad experientias tuas redeas: in firij ortu mare procellis fluctuari, sub canicula canes in rabiem agi, &c respondeo non negari cælestes influentias in quædam corpora; tantum dehortor à superstitione, quā passim omnium mirabilium effectuum in Natura pro causis assignantur, quod hactenus non probatum, nisi particularibus experientiis, quibus totidem opponi possent, vbi nulla locum habet occulta Qualitas, vt in fulmine, quod ferrum illæsa Vagina redigit in cineres: in tempestatibus, quæ subinde in Italia colliguntur, & in Germania primum degrandinant, sicut priori anno mense decembri accidit. in Echo quæ miracula sine occultis tuis astralisimis? in Mantuani Principis palatio hortensi fornix artificiosa confundit colloquium, ne coram confabulātes verbum percipiāt, si quis verò colloquentes ad extremos parietes arbitretur

tur

tur singula verba distincte accipit; & Vicentini illius Nobilis Æolia in prædio suo sub æstiuvis caloribus ventos moderatur, eosque emittit in solatium conuiuantium vel lene vel vehementer spirantes, tanquam cæli copia facta esset, vide lib. de delic. Ital. Non igitur sequitur, vt tu argumentaris, hic est occultus, vel mirandus effectus, ergo cælo est impressa singulis rebus arcana vis & duplex temperamētum: at quæ necessaria est qualitas cælestis, vt homo infaniat, vel canis rabiāt: nōne solum accensa bilis atra hoc efficere potest? Quæ vis cæli concurrit, cum allio perfrictus Magnes illam, quam illi dicis inesse non amplius potest exercere? Vnde rectè docet Mind cit. loco impressionum cælestium incommoda prudenti cautela auerti & anteuerti posse. quod fieri non posset, si adeo natales & fatales singulis rebus essent, vt asseris, illæ impressiones; immo frustra esset omnis medicina: quis enim resisteret cælesti virtuti? credibilius igitur omnes res sublunares vnius generis habere Temperamentum, sicut habet ipsum cælum, seu sidus producens, vt arbitraris, alterum Temperamentum cæleste in rebus sublunaribus.

Hæc verò tua sunt potissima principia nec per se nota, nec à priori vel posteriori demonstrata; sed vel nulla, vt probabilius, vel dubia saltem, vt alij Doctissimi viri Forerus in Viridario philos. de Magnete. Mindererus Threnod. Med. Marin. in

Genes. Robert. & alij quorum scripta nondum sunt edita demonstrant. igitur quomodo tu illa pro principiis scientificis venditas?

§. II.

*Quomodo propagetur in distans virtus illa
Magnetici Vnguenti.*

I X.

IN hac parte manifestè cōtradictis tibi met; nam dicturum te affirmas modum, quo deportetur vis vnguenti à telo delibuto ad vulnus distans: & in fine negas te vulgaturum: verba sunt: de efficiente queritur si ne causa huius sanationis in ipso vulnerato an verò telo obligato, & ita quidem, ut ex potentia ab aliquo actū existente prouocetur, & illud prouocans sit ne vis aliqua Naturalis Magnetica, quæ instar Magnetis suum familiare dirigat, moveat, alliciat? id verò ipsum est amice lector, quod hætenus ostensum est, & demonstratum oportuit. Virtus scilicet Magnetica à telo vnguento delibuto propagatur ad vulnus propter Naturæ Cognationem, & Continuationem, quam sequitur successiva impulsio per medium aerem spiritu stellato, & primario quodam ac Magnetico vigore ac potentia imprægnatum. In Vnguento est spiritus balsamicus (in sanguine humano Mumia & adi-

pe

pe humano potissimum latens.) Hic excitatur, seu potius euocatur a spiritu consimili sibiq. sympathetico ut spiritu mundi stellato ad effectum singularem producendum. Hic spiritus euocans dirigens, disponensq. corpora ac res mutuo quodam Naturæ nexu sibi deuinctas non est quiuis, sed determinatus. is scilicet quo præsentē, & tangente fit effectus, absente nō fit, decedente cessat. Hic ergo prima motus causa agnoscendus est. Hic dirigit, deducitq. vim sanatiuā in spiritu balsamico fixam ad vulnus. Sūt enim hi spiritus sympathetici, mutuoq. se appetūt, & propter hunc occultum, naturalem tamen appetitū ad determinatum effectum conspirāt, ut ita in totum & verè dixisse liceat, Magneticam curam vulnerū fieri per meram virtutum transplantationem, quam efficit & perficit appetitus inter spiritum balsamicū & spiritum mundi. iam sequitur contradictio, sed premo, nec ultra diuulgo hoc arcanum. cum tamen maximè conari debeas, ut supra fateris ad hoc demonstrandū: hoc enim est punctum conseruandæ famæ, in quo suspectus es commercij cum spiritu, quē nominare vel non audes, vel non potes. cum igitur ipse videas te vel ignorantia, vel malitia prepediri ad modum hunc satis explicandum omnem tibi prorsus fidem abnegas, & famam tuam prostituis. Quod si verò patiantur tua verba meliorem interpretem, puto te solum obscurè loqui sicut mos est Aristarchorū philosophiæ, q. apud phædrū lib. 4. ut putētur sapere celū vituperat. deser-

ferta verò communi scholâ non habent verba, quibus explicent sua; sed loquuntur ac si in chao vel abyſſo Mundi & tenebrarum diſputarent, cùm tamen iuxta vulgare illud Topicorum deberent *ſapere vt pauci, loqui vt multi*: ſed ad Myſterium tuum, quod in fine libelli ſatis prodis; vbi ſic virtutem vnguenti ad vulnus deportari ſignificas per meram naturam atque *magneticam efficientiam, attractionem, & deductionem, per influentiam* corporum cæleſtium. 1. ergo & radicalis cauſa huius propagationis eſt *virtus quedam occulta* ſimilis illi, quæ reperitur in Magnete, eamque ponis fol. 296 in vnguento & vſnea tanquam actiuam, vt tendat in vulnus tanquam paſſum. 2. *vector ſpiritus*, qui tanquam medium vinculum primò ex definitis & propriis cõſtellationibus ſympathiam & copulam ſeu conuenientiam inducit, ex qua deinceps vis ſanatoria in telum medicatum deriuatur, vnde poſtea egreditur, & ad partem vſque vulneratam continuatur ac traducitur, tandemque actione iſtius virtutis ſpiritualis conſequitur effectus. 3. *phantasia*, (ſed cuius, tua an alterius ?) patientis inquis plurimum hic habet momenti, tum ad baſſamicam in ſanguine virtutem à telo medicato attrahendam, dirigendamque ad partem affectam & læſam, tum ad mouendum principium ſanatiuum in corpore exiſtens. 4. *Celum* agitur, ais, quod pluribus & vni influit, imaginatione, quæ ſem-

Temper adest, & sympathia, quæ intercipi aliquādo impediriue, destrui non potest ad determinatam in corpore partem vim sanatoriam deducere statuendum est. Hæc principia transvectionis tuæ reperi percurrando totū libellum: quæ quādriga an sufficiens sit huic vecturæ examinandum est.

X. Prima rota est virtus Magnetica, quam his duobus argumentis probas. 1. in Magnete est respectu ferri: ergo in omnibus rebus totius mundi; perinde ac si Vulcanus est claudus, ergo omnes Dij diceres irato Ioue, *πίψε ποδὸς τετραγών.* &c. deinde quæ causa physica cur potius vulnus debeat attrahere vim vnguenti, quam vnguentum vulnus, an quia vulnus magis eget: cur non igitur etiam extra telum trahit ad se illam vim sanatiuam, quā indiget: an vim sanandi primum acquirit vnguen ex telo? vel propterea quia illitum est sanguine vulneris illius, vel quia talis est naturæ ferreæ vel ligneæ illud telum; si primum, non vnguentum, sed sanguinem attrahit cognatum, & perinde, si multum sanguinis esset in telo deberet attrahere vulnus, vel aliquid saltem ex vulnere, si secundum: cur non ex quolibet alio ferro, vel ligno attrahit aliquid sanitatis illa plaga? itaque non est ratio vtrum habeat vim attractricem. 2. probas: omnis res à cælo & certo astro cui sympathetica est, certam virtutem accipit; ergo vulnus & telum hanc habet sympathiā,

vt

vt alterum alteri succurrat. Sed quæritur. 1. An
 in. 1. Generatione acqvisierint hanc Sympa-
 thiam an in ipsa inflictione vulneris. prius tu su-
 pra contendis, sed jam refutatū. Quid enim Sym-
 pathiæ potest ingenerari ferro cū vulnere, quod
 est diuisio continui, cui ferrum est hostile? poti-
 us ergo contrahere debet antipathiā, per quam
 fugiunt res naturales hostes suos, sicut humor o-
 mnis in rebus accensis retrocedit, & sonitus Ly-
 ræ ex vulpinis intestinis confectæ gallinas fugat,
 coluber occisus, subque vmbra fraximi colloca-
 tus tamdiū agitur donec recedat ab ea. Poste-
 rius multo minus verisimile est; primò ex tuis
 principiis quia Imaginationem ait multum mo-
 menti habere in hac re; quin ergo potius ima-
 ginatio hostis nolentis curari à se vulneratum
 antipathiam inijcit ferro, quam saucius Sym-
 pathiam, quia cupit vulnus sanari? cū il-
 lius imaginatio præuenerit? deinde quod sidus
 dices destillare vim hanc Magneticam in ipso
 conflictu? Solem, vel aliud simile, di-
 urnum, sidus? ergo si noctu alteri vul-
 nus inflingeretur saltem illi ferro talis effica-
 cia non posset implantari vt dicis; Quis vèro
 prudenter credat omnibus demùm puncturis &
 ictibus Sutorum & Sartorum præsidere stel-
 lam, quæ expectet, donec subulis, vel acu-
 bus manus lædant, vt medicam ac cælestem
 energiam de repenti instillent ferramentis; si
 verò

verò neges cælum in tam ridiculis casibus ningere tali ope, quis determinat, ut tum opifera suam inclinationem sustineat? sin concedis an equus sanari potest cui illa Calcaribus effossa sunt, si hoc vnguento vngerentur calcaria; Sed quo ictu acceperunt illam vim astralem & Sympatheticam primone, an repetitis sæpius? utique pluribus ictibus maior Sympathia conciliabitur; ergo ut fieret copiosior curatio, deberent omnia vulnera iteratis ictibus repeti; sed quis hæc sibi persuadeat, nisi qui veritatem, & omnem Sapientiam oderit, denique si ferrum in tali vulnere foret fractum, & altera pars in vulnere relicta, utra pars haberet Sympatheticam & sonatiuam vim? non illa quæ in vulnere relicta, cum implicet vulnus curari seu coalescere interiecto spiculo: ergo etiam si adhiberes omne vnguentum tuum, non posses ex ferro relicto in plaga curare vulnus: quare? Sanè quia nec ferrum, nec vnguentum solum sufficit, sed extrahendum prius spiculum manus ope; ergo multo minus poterit vnguentum hoc idem in telo peruncto curare vulnus distans nisi alia ope & manu deportetur vis medica ad vulnus. Sed ex ipsa definitione & Natura Sympathie videamus, an hic asserti possit, quam folio 210. dicis esse *mutuam quandam*

con-

*consensionem inter res physicas quâ se amicè amplectuntur: quam meliores Medici & Philosophi docent rebus naturalibus inesse, vel quod in iisdem terræ locis nascantur: sic vitis amplectitur vltimos, hedera muros & arbores, & Mercurius apud te fol. 183. à Magnete aliquoties abstractus per distillationem ita impregnatur virtute Magnetica, ut cum aliàs inuolet aurum, ei^q se applicet, ipsum etiam auri corpus in mensa certo spacio diffitum motu locali cogat ad se transire. vel quod alimentis iisdem vtantur: sic bitumen ignem sectatur, agnus ouem, ferrum Magnetem, cui⁹ virtus roborari, & ali dicitur ferro. vel quod iisdem cæli signis subiiciantur, vt quidam volunt; ex quo 1. vides per naturam non per artem indi rebus sympathiam, sed per artem adhiberi sympathiam rebus iam insitam; at tu folio, 284. inter virtutem enim & vehiculum primo sympathia est, quæ postea deducitur transitq³ in telum, dehinc in vulnus ob familiaritatem & similitudinem: ergo per artem concedis infundi sympathiam telo, quæ non fuit à natura innata: item vulneri post telum. Vnde autem hoc pronunciatum probas? cur sine omni ratione supponis? dices ferro communicari à Magnete suam vim ad aliud ferrum trahendum. nego paritatem: adhuc enim est actio Naturæ, qua Naturaliter Magnes in ferrum inducit suam virtutem, sicut ignis calorem in aquam, quæ de in naturaliter calefacit. Sed vnguentum ante non
habet*

habet Sympathiam cum telo priusquā in pugna vulneret alium, quomodo ergo jam ex sola arte & applicatione acquirit quod ante nō habuit, & alteri communicat? cum *ars supponat naturam*; quæ tantū actiua passiuīs applicare potest, non autem facere. 2. Cur est ista Sympathia tantū ad hoc vulnus & non quodlibet aliud; sicut qui horret feles non vnam tantū, sed omnes auersatur? quis docuit tam bellè discernere rem inanimem ne in itinere occurrens aliud vulnus sanet, quā illud cui destinata est illa vis sanatiua; quā etiam quæro, si interim aliud vulnus idem acciperet, quis dirigeret vim illam Magneticam ne erraret, & vel vtrumque vulnus inuolaret, vel non illud, quod ab hoc telo factum? imaginatio sanè nihil faciet, nec enim Magnes quicquid imagineris, abstinet à ferro quocunque obuio.

XI. Iam verò nullum aliud caput tibi patrociniatur, ex quo Sympathiam concedunt Physiologi, nisi dicas eandem constellationem illam cælitūs deijcere: Sed cum hoc vnguentum tam præsens sit remedium, nō arbitrare te tam esse negligentem medicum, qui non semper paratum habeas in omnes euentus: ergo illa constellatio jam præterit, sub qua factum vnguentum; ferrum autem postea primum infigitur vulneri sub alia, nisi velis imperare omnibus pugnantibus moram, donec eadem redeat constellatio,
G sub

sub qua confectum vnguentum. Sed infra videbimus quomodo probes rebus omnibus inesse sympathiam, *Altera rota est vector spiritus*, cui tanquam aurigæ & Automedonti tribuis deductionem & applicationem virtutis vnguentariæ cum vulnere, ne detur actio in distan: hunc spiritum nunquam categoricè nominas quis sit, et propterea suspectum te Magiæ reddidisti: ego sic arbitror, te vel intellexisse spiritum Chymicum, qui nihil aliud est quàm substantia subtilior participans de aqua & de igne, & prout est vel aquosior, vel magis oleaginosus, aqua vel oleum dicitur: è Mineralibus elicitus plerumq; dicitur oleum; inter animalium spiritus sanguinis humani excellit. Vegetabilium vini; Mineralium vitrioli: vel halitum vaporemque, de quo dicis fol. 295. morbos pestiferos de homine vno ad alium transportari non absq; vapore seu spiritu seu humore: vel lumen: sic fol. 296. inquis: primum enim mouens in Vnguento est vis balsamica in sanguine & vsinea, quæ mediante spiritali vinculo ad vulnus vsque continuatur, & nisi intercapedo sit nimia (ubi contradicis fol. 190. licet spaciū sit maximum citra ullam tamen alterationem nec ventis dissipetur, nec aëre etiam vasto humido, vel frigido rapiatur) fiunt vnum per vtriusque formæ coniunctionem; coniunguntur inquam, quia formæ seipsas propagant, & promouent, ita vt etiam e-

gre-

gredientes in media intercapedine mutuo occur-
 su uniantur: simul igitur sunt mouens, & quod
 mouetur, ita ut vel secundum immediatam
 superficierum applicationem se contingant, vel
 ut unius virtus ad superficiem alterius, atque
 ita in corpus alterius deducatur: siue id fiat lu-
 mine siue radiis, siue Qualitate occultiore, &
 contactu spiritali, hoc est virtuali, sicut Sol at-
 tingit molochi flores, cum eiusdem motum se-
 quuntur. & cum equi halitu homo seruatur,
 a peste apud Cardan. lib. 1. de rerum varietate;
 huic spiritui duo tribuis officia primum, ut sym-
 pathiam inducat ex definitis & propriis con-
 constellationibus 2. vim sanatoriam vsque ad par-
 tem vulneratam traducat: neutrum præstare
 potest sub his nomenclaturis latens ille vector
 spiritus. Quid enim vapor posset conciliare
 sympathiæ, cum sit eiusdem substantiæ cum
 corporibus, quæ si sint asympathetica, & va-
 por erit: aut unde indeptus est extra cor-
 pus elicitus calore intrinseco, vel extrinseco,
 quod intra non habuit, quis repente Ge-
 nius sympatheticus inuasit illum? nec lu-
 men sanè in hac transuectione aurigabi-
 tur, cum nulla ratio nulla experientia do-
 ceat lumen velut veredum publicum trans-
 portare per vniuersum aliquid aliud præter
 suum lumen & calorem eidem anne-
 xum

nexum. Dices lumen secum vectare colores; nam cum per topiaria tralucet arborum, & in murum vel vultus reflectitur omnia virescunt, foliaque & viridaria hortorum veluti depicta per lucem, in pavimento resplendent: respondetur non esse veros colores, qui circumferuntur, distinctos à lumine, sed vel ipsum lumen transiens per medium coloratum à quo veluti tingitur, sicut species albi visi per viride vitrum repræsentant illud eiusdem rationis cum colore medij per deceptionem sensûs ob defectum conditionis alicuius ex parte medij: vel species reflexas veri coloris cum certa proportionem luminis à pariete vel alio corpore minus tereso ad oculum, debiliusque repræsentantes, quam si ad speculum reflecterentur, ita ut pro varietate luminis, varietur modus repræsentationis illius coloris, & in aliqua parte nullo modo, in alia debiliter solum repræsententur; vel colorem simillimum lumini, quem lux transiens per colorata statim producit in illis superficiebus, in quibus incidit in colores veros propagando non ampliùs solam lucem, sed etiam colores illos non imitabiles humano artificio propter cognationem luminis; unde solum etiam apparent in superficie opposita luminoso, pendentque magis ab agente, quàm subiecto. Deinde probabilius est non per lumen descendere cælestes influentias, quasi per schalas, sed alià distinctâ productione ab illuminatione: licet enim

enim pleræq; stella lumen suum vsque ad terras
deriuare credantur, & planetarum radij in spe-
culo collecti putrefacere dicantur, vnde nascan-
tur animalcula, quod sine calore à lumine pro-
ducto non potest fieri; tamen etiam Influentiæ
tanquam distinctæ Qualitates per aliam actio-
nem ab illustratione siderum produci debent.
Sed esto: nihilosecius, nunquam ostendes vllâ
experientiâ naturali per lumen influentiam sym-
patheticam, ex subiecto cui naturaliter, debe-
batur, in alienum translatam fuisse, vt ex Helio-
tropio in Trifolium aut Ciniras: restat occulta
Qualitas, quæ nec Axis nec Apfis esse poterit
huic vectori spiritui; licet olim felem, & colum-
bas tabelligeras legamus, quibus cursoris instar
Martes Ægypti rex utebatur teste Rhodigino:
hoc tamen omnibus Africæ monstris monstro-
sius est, aliquam Qualitatem transferre alienam
in alienum subiectum per aliquot milliaria di-
stans, nisi dicas cum Langio medicar. epist. lib. 1.
Epistola 33. singulis stellis assistere Genium ni-
grum an album, qui dirigat hos influxus Magne-
ticos; cùm tamen communis Theolog. & Philo-
soph. spiritibus neget vim immutandi naturam
nisi per motum Localem & Impulsum; tu verò
supponis sine ratione cogi ab illis posse influen-
tias vt hinc inde transuehant Sympathiam, per-
inde ac si diceres calorem ab illis adhiberi posse
ad producendum, vel transuehendum frigus. Sed

C

3

quo-

quomodo transportari possit hæc virtus magnetica videamus; vel. 1. Vt accidens migret de subiecto in subiectum, quod nullâ nisi diuinâ potentia possibile; hæc sola potest tortiorem actionem substituere priori conseruatiuæ, quæ ad unionem & formâ ex eodem subiecto eductâ terminabatur, & variato termino hoc ipso perit, consequenter & accidentalis forma, nisi potentior actio subueniat, quod à creaturis expectari non debet, quæ ferè nihil conseruare possunt directè, quomodo ergo sufficere possunt actioni conseruatiuæ fortiorem? vel. 2. Vt substantia vna transmigret, sicut cum pueria affrictâ cretâ subiectum & albedinem pallio circumgerunt; sed quot pondo vnguenti allinenda forent, si duobus aut tribus miliaribus distaret vulnus, quo per totum spatium continuaretur ad plagam? Dices paucis granis thuris ingens templum impleri. Respondetur non ipsa substantia, sed speciebus intentionalibus per aërem diffusis odorem toto templo percipi; sicut per easdem species lumen in tenebris densissimis stantes percipimus, vbi nullum produci potest à distante luminoso. Ex quibus colligo. 1. nec si Dæmonem etiam auxiliarem adhiberes, eo modo transferri posse hanc vim Magneticam vti tu imaginariis, cum nequeat accidens sine subiecto traicere quoquàm, & si substantiam vnguenti relinquat integram in telo, non potest

test in duobus locis constituere, cum tanquam miraculum soli sit Deo reservatum, nec potest per medium producere illam sicut sol suas Influencias, ut supra dictum, cum nequeat immutare naturam tanquam spiritus, nisi applicando actiua passivis, quæ hic nulla habere potest ut ostensum. Debet ergo manere domi Sympathetica vis per hunc vectorem 2. contradictionem cum superioribus fol. 178. Vbi spiritum hunc dicis esse accidens vel substantiam cum fol. 296. Verb. Cit. mera accidentia afferas automata huius spiritus.

XII. Tertia rota traductionis est *phantasia patientis*: Quæ forsan ex Avicen. Impio quarta: 6. Nat. cap. 6. de prompta ariente: animam humanam forti imaginatione, vel intenso affectu etiam alienum corpus afficere, atque realiter transmutare: Item pluuias, grandines ventos cælum posse deducere aut cohibere, pestes inducere, & jam grassantes sedare: ista sunt Atheorum diuerticula, ne Deo ter. Opt. Max. gloriam debeant, cum causas naturales assignare nequeunt impij Phantastæ ad phantasiam recurrunt. Sed & tu, & ille supponis vanam & iniuriam persuasionē, cuiuslibet hominis animam corpore infusā sub felici astri Dominio, eiusdem fideris & planetæ imaginē fieri, eandemq; vim operandi acquirere, ad materiā transmutandā, formas

masque inducendas, omnesque morbos pellen-
 dos, vel accersendos, & denique miracula facien-
 di. at nonne vides animam humanam tantæ po-
 tentiæ esse, vt nec totus mundus illam cogere,
 possit ad id, quod non vult, quis ergo illam sub-
 iiceret his astrolabiis inuitam? nonne spiritus
 est dedignatus hoc ipso actionem omnem cor-
 porum in se tanquam longè inferiorum Si phan-
 tasia verò talem vim habet cur non febricitanti-
 bus imaginationē præcipis, vt liberent se à mor-
 bo, vel famelicis vt saturentur sine cibo, vel cru-
 ciariis ad suspendium eductis ne moriantur ima-
 ginatione longioris vitæ: quamdiu nullam af-
 fers huius rei experientiam, non credemus: ra-
 tionem non reperiēs, cūm imaginatio sit actio
 immanens ex sua natura, quæ nequaquam po-
 test aliquid transeūter operari, sicut nec intelle-
 ctus aut voluntas vnquam extra facultates suas
 eruperunt in aliquid extraneum. Dices cum *Fer-
 nel. lib. de hom. procreat.* Pauonem albos pullos
 edere, si ouis incubans pannis albis circumtega-
 tur, ergo imaginatio agit in extrinsecum sub-
 iectum. respondetur imaginationem non esse
 huius effectūs principium immediatum, sed ca-
 lorem imaginationis motu concitatum in Ge-
 nerantis corpore agere in oua contigua, & vnā
 transferre. Qualitatem aliquam seminalem,
 ad effectus eiusmodi necessariam; posse au-
 tem similes exhalationes traici in aliud corpus
 tumet

rumet doces de pestiferis. Quarta rota est cælum, cui Sympathiam addis tanquam ferreos canthos, fortè vt certius vehat & sine periculo ; sed cùm cælum ipsum debeat moueri, vel à Deo. vel Angelo tanquam inanime vnde scis habere hanc potentiam motricem ? vel enim destinatò, vel fortuitò mouet, prius habere nequit nisi à Deo & sua Natura ; vtrum verò tibi reuelatum est ? posterius fortè impingens posset, vt cùm nos casu lapidem pede protrudimus, sed quis talem errorem cælo impingat ? nec etiam, potest mouere per motum suum, qui triplex est apud Cardan. Lib. 2. cap. 11. de rerum varietate : constat inquit *ex his caelestes motus per orbes centrum idem habentes fieri : aut per simplices lineas, vt in sole ac Luna ferme, si motus Sectionum tolleretur : aut per helicas vt sidera omnia diurno in motu : aut per reflexas velut superiores & inferiores errores, dum propriis motibus in longitudinem, latitudinemq, feruntur* : nullus verò ex his eandem viam semper ambulabit cum vnguenti virtute, nec eandem lineam conficiet : contra verò istos motus multo minùs tendere poterit deductio illa. nec enim cùm in dextram aliquid nos mouemus, illud in sinistram mouetur, & saltem polares cæli partes non mouentur, & per consequens non concurrent ad hanc deductionem, ergo nec credibile est cæteras iuuare. Nec video, quomodo recentiorum cæli motu cieatur, qui sin-

C 5 gulos

gulos planetas seorsum ferri aiunt in cælo sicut
 aues in aëre. quis enim paranympus erit huius
 deductionis? nec dicere potes vllâ ratione
 vel experienciâ à cælo produci rursùm aliam.
 Qualitatem occultam, quæ hanc occultam,
 virtutem vnguenti tradux in vulnus deriuet,
 nisi libeat in infinitum progredi. Et sanè mi-
 nor, cùm iuxta veram philosophiam neges ac-
 tionem in distans fol. 184. *vbi contactum, vel*
materiale requiris, vel spirituale, & fol.
292. dicis non enim potest physicum agens agere
in extremum, quin prius agat in medium, cum
omnis actio physica fiat per contactum: quomo-
 do persuadere tibi potueris actionem trans-
 cuntem ad aliquot milliaria? & suspectiora
 reddis omnia cùm neges ad quamlibet distan-
 tiam exerceri posse fol. 296. *nisi intercapedo sit*
numia: quid enim, si à cælo ad terras vsque
 potuit pertingere vis illa cælestis, non etiam
 possit in terra ex Europa in Indiam sese porri-
 gere? & si potest ad aliquot milliaria se ex-
 tendere, quid impedit ne porrò pergat nisi
 limitata sphaera actiuitatis, quam sanè omnis
 experientia negat, tantam esse, quantam hic
 concedis. vides igitur hanc quadrigam rotis
 fractis euerti, nec quicquam naturale fingi pos-
 se, quod sit causa huius transportationis. at ni-
 hil asseri debet à prudente sine ratione vel ex-
 perien-

perientiâ , quæ factum ostendat , licet ratio lateat. Inculcas tu equidem factum & Experientiam , citas Imperatores sine nomine. fortè Iulianum Apostatam , & Caligulam , aliaque naturæ portenta ; Reges , Principes , Comites , Barones , Nobiles ; cur non nominas ? an te pudet tantorum virorum testium ? Sed demus experientiam tuam tibi constare : quid dices sagis , quæ suas furcillationes etiam vnguento adhibito ascribunt , si dicant naturaliter fieri ? quomodo conuincas vllum magum suas Acherusias technas , & præstigias Diabolicas Naturalium causarum prætextu palliantem ? sanè quæ causis fiunt naturalibus , tametsi miracula videantur , saltem non omnibus repugnant principiis Naturæ , quibus reclamationes omnes , vt tu experiris cum hac traductione , contra quam tot viri docti supra citati iam scripserunt. nam Artemisius Mathematicus mirâ arte olim , sed non suspectâ , ante puluerem pyrium inuentum Zenonis Rhetoris hostis sui domum apud Agath. lib. 5. Goticar. terræ motu concussit , plures lebetes grandes coriaceis fistulis in inferiori ædium parte incingens tam latis , vt totum liberum circulum coplecterentur , deinde intubæ speciem erigens in altum , illarumq; extremis ad tigna , tabulasque defixis vt conceptus ille aër liberè per eam vacuitatem euaderet , solariūq; per

pertingeret nudum, & omni præcluso exitu intra fistulas ebulliret; lebetibus sic dispositis validum ignem subiecit, vt aqua exæstuante vapor emoliretur per fistulas, & exitu non reperto in se reciprocus maiori violentiâ ex angustiis eluctaretur Sursùm, quâ reciprocatione sæpiùs iteratâ tota domus concussa est, & sensim tremere, & ligna stridere cæperunt adeò, vt Zeno cum aliis diuinam opem apprecatus fugerit.

§. III.

De Natura per Sympathias & Antipathias rerum occultè Agente.

XI.

FVndamentum tuæ Curationis in distans est Sympathia, quam asseris inter telum vinctum, & vulnus. Sed ita explicas, vt nemo crediturus sit, qui solùm leget. i. totum vniuersum facis animal, partes vniuersi membra illius, quæ pendeant ab vno principio & sicut in animali, scerebrum, Cor, pulmones, iecur, & reliqua à se trahunt inuicem aliquid, mutuoque se iuuant, vt vno illorum aliquid patiente compatiuntur; ita omnia mundi corpora connexa similiter mutuare inuicem naturas, & mutuari, & ex communi hac cognatione communem nasci amorem

morem & ex amore communem attractionem. Igitur omnes res inter se tantum Sympathiam habent sicut membra; cur ergo quædam habent Antipathiam? sed ne quis solum metaphoricum animal accipiat, ait fol. 189. Quæcunq; in celo cōplicata & explicata cernuntur in cæteris quoq; sublunaribus potestate vitali contineri, & fol. 181. cum suæ Philosophiæ principia Aristotelis opponit, addit: hic Plato loquitur, quem Boeth. Lib. 3. de consolat. Philo. metr. 9. docet sensisse Deum per animam mundi motus corporum cælestium administrare teste Alber. Magno. 2. p. sum. tract. 11. q. 63. memb. 2. quæ ipsissima tua mens fol. 288. his verbis. Deus enim nunc pauca admodum sine calorum naturæ, seminisq; interuentu ingenerat, immò conditis naturæ legibus omnia per calū administrat: quæ enim Deus olim propriis operibus inchoauit, & perfecit, ea tãquã feriatu calo velut administro & Synergo continuanda credidit: hoc autem à calo in animo præstari non potest: maximè cū fol. 290. dicas calī formā innumeris grauidatā formis omnia gignere, & ex se fundere. tū animantes, tū stirpes, lapides, metalla omnia quæcunq; fuerunt, & esse possunt. Nec semē sine calo generare quicquā, sed gignendis, rebus materiā duntaxat conuenienter apparare & instruere, calū verò in apparatā illam materiam speciē summamq; perfectionem immittere, vitamq; suscitare in omnibus lucido spiritu intercedere hic enim mūdi & calo

& cælorum existit vector, in totam vniuersitatem
 diffusus rebus singulis simul speciem, & natuum,
 vitalemq; calorem impertit, calore, vitaq; fouet.
 & fol. 291. vitalem quidem animam secum affert
 & Naturam ipsam, ac quæcunq; subierit vitalia
 facit (spiritus) & paulò post intermediæ inter
 cælum & sublunaria substantiæ, omnes mundi
 partes coherent, nihilq; in viuente mundo tam ab-
 iectum, cui non infusus ille spiritus diuinorum cele-
 stiumq; operum aliquid elargiatur è calo & side-
 ribus vires, vitaq; seminaria inuehens &c. & fol.
 178. disertè nominat animam mundi commu-
 nissimam, secretissimam, mysticam. Iam vero
 credo tuam transuectionem vnguenti processu-
 ram, si tantum animal iungas currui, quantus est
 totus Mundus: vide tandem quo pabulo velis a-
 lere; an humoribus oceani in altum subductis vt
 veteres dixere? at nonne hoc est solide delirare, si
 putes te philosophis persuadere posse totū mun-
 dum esse vnum animal? non enim Mundus to-
 tum est continuatione, sed aggregatione: sed
 nulla forma potest constituere composita, dis-
 continua; nisi cum damnatis pridem Arabibus
 velis dicere etiam omnes homines habere vni-
 cam animam, deīn vel componit illa forma res
 naturales omnes vel non: si. 1. quomodo lapis est
 vnum ens per se vel cuius speciei? cum sua, & illa
 forma mundi informetur. Si 2. falsum est, om-
 nia

nia viuere hâc animâ mundi. nam vita maxime
 consistit in operationibus vitalibus; ergo sicut ac-
 tiones vitales bouis non sunt actiones Elephan-
 tis, ita nec actiones nostræ vitales & singulorum
 corporum naturalium possunt esse ab extrinseca
 forma. itaque ex hoc puncto sic argumentaris: in
 Quolibet animali est sympathia inter membra,
 sed mundus est animal, partes vniuersi membra:
 negatur minor, non concedenda nisi lapides,
 trunci & fungi ambulare incipiant. 2. Mutat
 ima summis: *Quamobrem inquit in terra aspicere
 licet quidē Solem, Lunam, & reliqua: sed pro Qua-
 litate terrena: in celo autem lapides & plantas &
 animalia: sed pro natura & modo celesti.* igitur
 quod Plautinus ille Sôfia pro ἀδυνατώ habet, a-
 pud te omnia congeminarunt, & si quis in terris
 caprimulgus vaccam mulgeret, etiam in celo re-
 sponderet illi mulctrum &c. vt taceam illa, ex
 quibus non tantum videri: sed etiam olere posset
 tua absurditas, si omnia velis repræsentari in cæ-
 lo, quæ geruntur in terris. Deinde impossibilis est
 hypothesis tua cum enim solis magnitudo multis
 parasangis terram excedat, ita vt etiam semper
 plus illuminet, quam mediam terræ partem,
iuxta prop. 24. lib. I optica Rami, quis locus
 restabit lunæ in terra. Quis cæteris sideribus & i-
 pſis cælis, si omnia sunt in terra effigiata. demum
 ordo est inter cælestia corpora, vnū altero supe-
 rius: quod ergo altero prius adumbratum, in ter-

ra? Et quomodo vnum supra aliud in terræ viscera descendit, vt se non obruant? quorsum meridiemne versus occidunt, & oriuntur hæc terrena sidera? vides ergo tricas & tramas?

XIII. Quemadmodum vero Funambuli allicant turribus restes, ita comminisceris tu denique connexionem quintuplicem ex nescio cuius Anaximandri Chao, vt vim tuam Vnguentariam facias ambulanti per aëra citans Mosen.

1. dicis significari per terram inanem. 2. per tenebras super faciem Abyssi. 3. per lucem corporibus obortam. 4. per cælum & terram. 5. per spiritum Domini. ex his infer, ergo est affinitas inter res creatas naturalis benevolentiae nexus ac copula. Potius sequitur ex primo & secundo nullam esse, sicut inter cæcitatem & visum nulla connexio Sympathetica. ex tertio lux orta est corporibus, ergo est talis connexio; sequitur sanè, quod Germani dicunt *Darnach ist est tag worden.* ex quarto & quinto video negari Deum, cum dicis illum spiritum esse intellectum quod est Atheum, nec vltiori refutatione dignum: Ex quibus omnibus tam parum sequitur tradux hæc tua connexio rerum Naturalium, quam ex bello Troiano Peloponesiacum: ad confirmandam hanc connexionem Magneticam videris addere animam & corpus, inter quas tanquam substantias longe distantes opus sit medio vinculo, quod ais esse tenue illud & spiritate corpusculum (quæ est

est implicantia in terminis) hunc vero spiritum
copulantem diuiniorum esse quam Elementa , ca-
log, respondere proportionem Aristoteles scribit. vbi?
cur non addis textum vel librum? Et quemadmo-
dum omnis calorum virtus vehiculo lucis trans-
fertur ad terram, ita omnis animi potestas vita
scilicet, motus, sensus, lucido spiritu intercedente
ad corpus terrenum comeat & transfunditur. Er-
go est talis Sympathia inter telum & vulnus? ne-
go consequentiam. Vnde tu illam probas? ex his
fundamentis? profecto quicumque prudens in-
spexerit potius iudicabit ad agnatos remitten-
dum, vt de Hellebero tibi prospiciant. Præter
quam quod hæc non sit vera ratio sympathiæ vel
Antipathiæ; nec ab vlllo classico autore relata.
Tres aliæ sunt hæcenus celebres sententiæ. 1.
Referens omnia in occultas qualitates, quam tu
libenter sequeris, si spiritus tuus permetteret:
huic opinioni voluntas & Intellectus obstant a-
micè consentientes. Nec tamen capaces huius-
modi qualitatis 2. tribuit omnes effectus Sympa-
theticos primis qualitibus, ex quarum varia mi-
scella nascantur reperienda vel amica, vel inimi-
ca inter se. 3. concedit aliquos effectus fieri à ta-
libus Influentijs, sed non omnes. Itaq; subinde iux-
ta hanc verior est actio vnius in alterum, su-
bindenon: vt cum locomotiva ad Imperium
voluntatis mouet ceteras potentias. Igitur for-
maliter Sympathia & Antipathia in quadam.

D

ad

Connexione & Coordinatione consistit vnus ad alterum fundata in appetitu Innato & Inclinatione cuiuslibet rei in suum *bonum*: siue. Sit potentia *passiva*; quæ est Naturalis Capacitas suæ perfectionis, siue actus; siue *actiua* quæ est Naturalis facultas agendi, nihilque addunt Naturæ rerum nisi Connotationem dispositionum ac certarum conditionum. Semper tamen debet esse virtualis coniunctio inter Agens & passum Sympatheticum etiam si nulla actio inter illa intercedat, vt est phantasiæ & Locomotiuæ in animalibus coniunctæ in vno supposito & anima. Vnde falsum est effectus Sympatheticos in quamlibet distantiam fieri posse vt mortuo vel periclitante parente domi Filium apud exteras nationes languere; item canes Domino longissimè distante mortuo; quæ sunt superstitiosæ & aniles persuasiones, sicut cum ex tinnitu aurium iudicare volunt an absens quispiam de se bene vel male loquatur. Quæ stultitia hominum?

XV. Post hanc ex Abyllo mundi deductam rationem Sympathiæ refert exempla quædam fortè credibilia, quædam superstitiosa: vt in Austria Gemellos solis obiectis ad janua corporis lateribus seras aperuisse. Quid si seræ fuissent ligneæ? vel striis ferreis insertæ, quæ non extrahi sed paulatim debent euolui, cuiusmodi Weche-


Wacherus vester describit ? Dæmones autem solares esse visos leoninâ fronte, qui obiecto gallo repente disparuerint, sicut alij veri leones ad conspectum galli fugiunt; magnam familiaritatem cum Dæmonibus arguit: sed qui sunt isti solares Dæmones? an ex Gentilismo semi-deos reducere cogitas, aut cum Apuleio Deum Socratis? an cum eodem in Asclepio Dæmonum Genealogiam instituis? *Quicumq; igitur Dæmonum inquit ille à genere suo defluentes in speciem fortuito coniuncti sunt, alicuius speciei generis diuini proximitate, & consortio Diis similes habentur. Quorum verò Dæmonum species qualitate sui generis perseuerant, hi amantes hominum rationem Dæmones nuncupantur.* Ita tu aliquos putas etiam planetarios esse Dæmones? Quasi vero nescias, nisi atheus sis, illos super omnia sidera creatos, vbi nihil horoscopo in illorum natales licuit: deturbati vero calitum regiâ naturam non amiserunt, sed gratiam: vnde tempestates ciere, nubes comportare, integros hortos cum fundo telluris transportare norunt: quæ potentia longè superat stellarum destilla, cur ergo his subijcerentur? *non est super terram potestas quæ comparetur diabolo, qui factus est ut nullum timeret iob. 41. v. 24.* Quare cum eandem vim tribuas herbæ Moly in damnatos spiritus exemplo Circes cele-

bratissimæ veneficæ, sane video quibus principiis extruas Sympathiam hanc tuam & Antipathiam; quod vero citas exemplum Tobia, respondeo si te Angeli sancti iuuerint, tum me etiam fidem habiturum tuis experimentis periap-tis & amuletis. Materiale vero agens nihil potest in spiritum: sed audi Lyranum in cit. cap. Tob. *si iuxta doctrinam Platoniorum Dæmones essent animalia corpore ærea, animo passiva, mente rationalia, tempore æterna, ut dixit Appuleius, mirum non esset si corporalia illis imprimerentur; (quam exoletam impietatem fortasse tu supponis) sed quia sunt immateriales, separata substantia, materialia in eos non imprimunt.* Itaque fumus fuit tantum signum temporis, quo dæmon expelleretur & efficaciam precum ascendentium coram altissimo: Quod si verò videas alios cum *Guilielmo. Parisien. lib. de vniuerso & Vales. Sacra Phil. cap. 28.* concedere fumo huic efficaciam quandam aduersus Dæmonem quodatenus naturalem teste *Sal. anno Mundi. 3335.* ab ipso autore Naturæ à principio creationis cordi & iecori impressam: *Serari. tamen in Tob.* simul tria cōcurrisse, vult quæ supernaturalem vim conciliarent, remotionem causæ, ardorē scilicet libidinis, quo septem illi Hirquitalli flagrauerant, preces coniugum & parentum, & significationis Mysterium: nihil te iuuat: licet enim probabile sit, superbos illos nequam spiritus à Deo subdi-

subditos rebus quibusdam corporeis cruciantibus, vt docent *cit. DD.* nondum tamen tibi reuelatum credo sicut Tob. quæ sint illa antidæmonica alexiteria: referunt quidem 1. *Fumum* arboris cuiusdam adustæ apud *Carthus. in cit. loc.* 2. *suffitum* cornu caprini. 3. *cuiusvis stercoris* præcipue humani. 4. *Rutam Hypericonem*, quam ob id fugam Dæmonum appellant, inquit Vales. *cit. loc.* Sed vnde hæc innotuere? Quare prudenter subijcit, cum Dæmones sint penitus incorporei nullam à corporibus naturaliter passionem possunt accipere: sed neque si corporei essent (nisi etiam essent corruptibiles), voluptate aut dolore affici possent: quia neutrum horum esse potest sine sensu, neque sensus esse potest, nisi cum organis habentibus communem naturam cum ipsis sensibilibus. Quapropter corruptibilium rerum sensitiua corruptibilia esse, corpora necesse est. Nisi igitur Dæmones corporei & corruptibiles sint (quales certe non sunt) neque voluptate, neque dolore affici possunt naturaliter ab vlla Qualitate naturali. Credibilius igitur nullam omnino causam Materialem in spiritum agere posse physicâ Qualitate & Materiali: sed si à Deo sint superbi spiritus illi subiecti tam visibus creaturis, moralis tantum erit Antipathia; sicut superbus rex etiam aureo carcere, vel magnifico palatio clausus magis dolet, quam terræ filius

lius aliquis hypogæo antro fatidissimo. Sane certius est omnium confessione & experientia res materiales nihil penitus habere virium in res spirituales, quam contrà: cur ergo tam audacter rerum naturas euertere contendis? eiusdem vanitatis est, quod addis de Alyssio Hypericone herbis tanquam forent antipatheticæ malignis spiritibus, suspensæque in ædibus ab hominibus, pecore, veneficia ac fascinum arcerent: hæc enim cum ex arbitrio Dæmonum & flagitiosorum pendeant hominum, quomodo tu caulibus hortensibus abiges, nisi forsan aliquid moliantur per applicationem actiuorum ad passiva physica; quod rarò tentant; sed vel vinculis occultis, vel in corpus insertis vitri ferrique fragmentis, vt ex historiis constat, ope Dæmonis enecant. Igitur solis oleribus non auerruncabis. Quod de Remora pisciculo prædicas adeò certum non est: cum enim ab omni æuo vix semel ac iterum referatur accidisse. Quid si casu ex alia causa steterint nauigia? ecquid post tot centurias annorum tam frequenti nauigatione nihil huiusmodi auditum? certè non est mortua species. Sed tu nimium credulus es Plinio, Dioscoridi, Dalechambio, qui talia narrant, quorum ne vmbram deprehenderes adhibita experientiâ. vt Symphyum maius cum animalis hepate coniectum in ollam, illud in
inte-

integrum restituere conscissum, etiam in mille partes; adamantem super incudem nullis malleorum ictibus frangi. tenta & videbis fabulas similes amandino lapidi apud Albertum. 2. Mineral. quem aiunt gestanti conferre prophetiam & interpretationem ænigmatum; Quiritiam verò secerta prodere, selenitem Divinationi feruire, sub prima luna Iaspidem sacrificia Dijs accepta reddere; Achatem animos coniugum conciliare. Quod ad negationem Dei & SS. Angelorum tendit, si possunt lapides è cælis haurire tanta dona; & manifesta sunt Atheismi fundamenta, non Sympathiæ argumenta. Si verò tantopere laborabas reperienda Sympathia, apud Chymicos in geniosiore reperio modum indagandæ Sympathiæ, qui varijs fornaculis ex quolibet re *Aquam, Essentiam, Sal & Deum* extrahunt, singulaque explorant, quam virtutem habeant & cum singulos alterias rei partibus accuratè conferunt; quam & tu potuisses credibiles adhibere, quum illum phantasticum ex Abyssso Mundi Sympathismum.



§. I V.

*De plantarum Quarundam, & Animalium
viribus occultis.*

X V I.

Nillus dubito, quin Deus plurimas virtutes
lapidibus, plantis, animalibus indiderit, vt
Medicorum quotidiana experientia testatur,
hæc in Aquam, Cinerem, & alia, per ignem re-
soluta infirmis suggerentium, pluresque la-
teant. Prudentis tamen Physiologi & Medici
est non omnes credere, nisi explorauerit. Qua-
re quæ mihi ex tuis videbuntur, superstitiona
examinabo: in experimentis inquis esse
*hirundinis cor palpitans deuoratum memoriam
deperditam restituere, adque ingenium valere
& Intelligentiam*: nempe Anthropophagiam
docere vis, & homines crudiuioros esse cupis,
crudelior ipsis sagis, quæ cum Dæmone saltem,
coctos infantes liguriunt. 2. Si coctum esset
illud cor, vel asium vbi omnes spiritus intus
constringuntur nonne perinde foret auxiliare
memoriæ? 3. cur ipse non adhibes ad tuam
Intelligentiam reficiendam, ne tantis deliriis in-
incipiat morari? I I. *viuentem Araneam iu-
glandis testis inclusam colloq, subnexam pellere
Quartianam.* quoties probasti hoc deleterium?
rectè

rectè includis durissimis putaminibus, fraus regi debet: sed quid si Germanicæ iuglandis testa, vel Italicæ, quæ densiores sunt, clauderetur aut maiori nuce, vel nucleo Persico, aut cupreo vel alio globulo cauo, perindene foret? Apinæ, Affanæ. III. *ranarum oculos ante solis ortum erutos, viuis illis in aquam dimissis alligatos, sicut & vnguina præsegmina in pedibus & manibus febricitantis canceri viui dorso superligata cumq; eo in aquam fluentem proiecta tertianas febres.* 1. cur ante solis ortum? ne fortè videant excæcatas esse se. 2. cur illis alligari debent oculi? vt ferant aliquid ad suos tanquam legati ex Batrachomyomachia? si debet illa alligatio conferre quid ad curationem nugaris: nam statim in angustiis abstergeant: igitur debebis illis omnino assuere, vel poterunt sine tali alligatione abiici in torrentem. Sed cur vnguina præsegmina debent clitellarios facere cancos? an febris extracta est ex visceribus in vngues, vt ita canceris alligata deportetur in scrobes palustres, & submergatur? sin: quomodo vel præsegmina, vel canceri ex hac colligatione acquirunt vim depellendæ febris, vel agendi in hominem ægotantem, si non habuerunt ante? item quomodo ex palude domum venit actio salutifera? vel cur non etiam capilli resecti, & dossuariis canceris illigati vim medicam acquirunt? IV. *Cor corui gestatum ad inhibendum somnum, cor vespertilionis ad eundem*

vespertilionis ad eundem valere accersendum: nempe quia corui patibulariis cruciariis effodiunt oculos, ne possint amplius nictari. deinde debetne gestari supra, vel infra vestem? V. *ossa capitis equæ fugare erucas palo in hortis affixa*. oportet hic ruricolas consilere, quorum redditus annui sunt olera pauca, & cepæ ferè singulis annis deuorata ab erucis, licet omnes sepes pendeant plenæ caluariis equinis. tui similis forsan eosdem rusticos dementauit, vt certo anni die circundent arboribus straminea ligamina: quæ anilia deliramenta à cacodæmone suggesta sunt in dedecus Christianæ religionis & ludibrium Philosophiæ. VI. *Graminis Genu. 7. habens internodia efficacissimè contra capitis dolores adalligari*. quasi verò nodi tantum habeant virium in caput: an ob figuræ analogiam, quam de tuo capite non concedes? an ob Germanicam syncopen *Hilffst der Knopf dem Kopf?* quid si forent octo internodia nonne magis iuuarent? VII. *Florente cicutâ, & violis, si qui morbi homini acciderint, quoties florere eas herbas contigerit, licet sanatum, recidivam tamen quandam eorum sentire compertum*. 1. si non eodem tempore, floreat singulis annis vtraque, sicut frigus facilè potest impedire, quocum flore recidet? 2. non omnes volæ, nec omnes cicutæ simul florent: anne igitur cum primis, an cum secundis relabetur in morbum? quis determinat?

minat? quid fiet in regionibus biferis, cur ibi bis eodem anno deberet redire, morbus? & cur non etiam in nostris regionibus idem euenire, quia dicis absolutè *florere* &c. demùm si quis circa natalitia stirpem violarum in hypocauftum inferret, poneretque in aqua, vt floreret, sicut arbusta etiam tum in aquam merſa calore hypocauſti reſflorescunt? V III. *Adamantide herbâ Armenia & Capadocia alumna admotâ Leones resupinari cum laxo hiatu.* de distantibus loqueris: sed applicandane in tergore, an ventre, in antilena, an postilena? nam satis incredibile regem ferarum tam levis herbæ contactu ad eò proster- ni; plura de herbis alia corpora locomouentibus suspecta sunt, donec experientia stabiliat, nam quî septem herbulæ certæ gramina iacta in Symposio, conuiuas omnes ad rixas Lapitharum prouocare possint? reperit tamē hoc nugumentum autorem teste Delrio lib. 1. Disq. Mag. c. 3. item Achemenide coniectâ in aciem hostium, trepidare agmina, ac terga vertere, tu asseris. Quid ergo curulia tormenta tanto sumptu circumuehantur & hæc herba negligitur, facile parabilis? Æthiopide herbâ certo ritu incantatâ feras omnes, si admoveatur aperiri, & suo tempore Venetiis furem suspendio damnatum, cui sic fores omnes patefiebant, scribit *Mathiol. Nuncupatoria in Dioscoridem.* vide ne similem

similem Circeam efficaciam habeant herbæ tuæ.
 IX. *Latacen à Persarum rege dari solitam Lega-*
tis, ut quocunque venissent, omnium rerum copiâ
abundarent. Quinigitur orbi vniuerso succurris
 inopiam his temporibus magnam patienti? Sed
 quid si in diserta Idumes venissent legati illi,
 num in arenaria illa sterilitate affluxissent? Hæc
 pauca ex infinitis attuli: vt viderent omnes te
 superstitionibus addictissimum esse, omniaque
 credere sine delectu. Scire tamen debes plera-
 que Plinio descripta à veteribus, ex quo recentio-
 res desumpserunt plena gentilismo, & Idolola-
 tria. Dæmon enim cum videret se vt Deum ado-
 rari, facile persuasit antiquis, si hunc aut illum la-
 pidem adhiberent, si hoc aut illud sub tali con-
 stellatione, planetarumque aspectu facerent,
 bene ac prosperè successurum, quod optarent: at
 nos Christiani hæccine omnia credemus? Sic
 hodierno die multorum veneficorum confessi-
 one, iubet mancipatos sibi, aut deuotos, circa
 festum S. Ioannis Baptistæ colligere *Sahren*
Samen / (fortasse est radix illa Baaras apud Io-
 seph. lib. 7. Bell. c. 23. vel Baar apud Zonaram,
 quæ nascitur propè Macheruntem Iudææ ves-
 peri tâquam iubare resplendens, captu difficilli-
 ma, quia fugit celeriter insequentes, non prius
 consistens quàm menstruo perfundatur,) vt ha-
 beat occasionem noctu illos colloquendi, & in
 nexum Acheruntis dandi. His accessit fama
 / men-

mendax, vt ex bellorum nouis quotidie discimus, si quam plantam Apollo, vel Æsculapius iunior- que aliquis notârit vulnuscule coagmentatiuam vt prunellam, Bugulam, aliasque consolidas, mox apud Botanicos adeò efficax est proclama- ta, vt carnem in minutas redactam partes in soli- dum redintegrârit: si quis fortè stellarem lapidem in aceto mobilem aduerterit, quod experientia infelix nondum confirmauit, quâ verò vi polle- bat lapis ille? quid non potuit? Quare te, cate- rosque Astrologomagos obseruare velim illud *Alex. de Angelis. lib. I. cap. 6.* Primùm quæ non- dum definîtè distincteque nôris de stellarum vi- ribus, pro certis & definitis non vendita. Dein- de exploratam iam, & perspectam cæli actionem non extendas ad plura, quàm eius natura, vel ex- perimentum patiatur, qui est tuæ sectæ familia- ris error. Denique vires quas colligis ex eo, quòd luna in fretis, in conchyliis in arboribus, cælis, in herbis, in hominibus morbo affectis, facere solet, non tribuas solis natalitiis astris, sed fate- aris omnia astra in hæc inferiora agere non mi- nus, quàm quæ ortui, aut conceptui præesse di- cuntur. Ex his enim monitis neglectis vides non nisi decumanos errores nasci.

§: V.



§. V.

*Curationis Characteristica, & sigillo-
rum naturalium Exa-
minatio.*

XVII.

Videris subinde Cocleni habere lucida inter-
ualla; nam præter opinionem aliquando
verum dicis: in synarthrosi tua folio vigesimo
secundo, & vigesimoquarto, ais te ista expe-
rimenta de imaginibus non eo animo attulisse:
quod ita sentias, sed ut ab iis absterrean-
tur homines proposita earundem vanitate. &
hic folio ducentesimo trigesimo secundo,
tuæ Apologiæ post multa lalemata: tan-
tum vera abest, inquis, ut hisce imaginibus
per se virium quid tribuam, characteresq;
seu nomina constellata virtutem habere ratio-
ne figuræ affirmem. (cùm figura, Nume-
rus, Magnitudo, situs, continuique solutio
nullius sint actionis principia) ut nisi aliud
con-

fit agens, mouensque, cuius potestate characteres sint efficaces, planè negem. vide quàm tibi consentias. suprà dicis omnino vanas esse has imagines: hic adiungis illis aliam virtutem, quàm validam fiant: audiamus tamen fundamenta, quibus probas. 1. omnes herbas, flores, arbores, aliaque ex terra nascentia signa esse magica à Deo concessa, per quorum cognitionem ad veram medicinam, seu signatum veniamus; quòd signa, quæ natura externè prodit, intrinsecæ ac latentis virtutis indicia sint, semperque signatum, internusque nucleus per externam Physiognomiam designetur: hoc est extrinseca figura significetur, proprietas latens in qualibet re naturali, quæ adiunctam habet influentiam Astronomicam, per quam plantis quibusdam subiectis imprimitur signatura, quod ais in *Hypericone* perforato exilibus foraminibus conspicuum esse: in *Persicaria* foliis maculâ rubentibus tanquam sanguineis guttis perspersis. folio tamen ducentesimo octuagesimo sexto, contradicis: si quis querat de alba rose colore, unde scilicet ducat originem, causamque vellet frigidiori temperamento ascribere, quid quaeso dicet de rubra? In tybi species lacteumne iccirco succum fundere dices, quod sint frigida? at complures calidissima, ut sunt tithymali, qui eodem

dem turgent ac madent succo, & Aloe ideone amara est, quia calida? atqui in opio, quod pernicioso frigore necat, amaritudo est eximia. Igitur iuxta hæc tua effata non licet ex forma exteriori colligere rerum naturas, quod superius affirmas. nam pergis: Et licet ex totius substantiæ proprietate talia promanare concedatur, sublimior tamen & præstantior opifex, insculptor & formator supra illam in nostro mysterio collocandus & querendus. Nota. 1. Contra Phytoptas hoc tuum esse principium, qui potius aiunt à plantarum externa specie repræsentari partem aliquam animalis, cui vel profunt vel obsunt, vel efficaciâ aliquo modo similes sint. Hinc carnosas vt *Brassicam*, & *Rapas*, carnosos homines reddere: ossiferas, seu lignosas ossibus mederi vt *Coriandrum*, *Aneibum*. Capillares & Villosas Capillorum vitiis esse medicamento: sic *Adiantum* capillos denigrare, *Capillum Veneris* ad capillorum defluuium facere. Ita Forer. in viridar. De plant. cap 30. Nota. 2. delirum esse colligere ex puncturis maculisve plantarum influxus cæli, quasi per illa foramina tanquam ianuam ingressi forent, eamque post se non reclusissent; alias ubicunque foramen versus cælum spectaret in naturalib. rebus esset indicium cælestis influentiæ etiam in caminis. Nota. 3. Impossibile esse hoc tuum fundamentum: nam vt possimus per acciden-

dentia cognoscere substantiam quasi per umbrā; quomodo tu deinde per illam *Signatorem* illum, & *Sculptorem* cognosces rerum naturalium, cum nulla substantia vel signatura illa occulta in eadem latens, ut tu quidem supponis, nunquam probas, sub sensum cadat; *nihil verò possit esse in intellectu, quod non fuerit prius in sensu*: quod videris concedere fol. 199. Et rursum negare folio 286. Oblitus nempe tui: verum si quicquam potest cognosci sine sensuum auxilio in hac vita, cur opus illis? deinde ostende sis vllum obiectum quod in hac vita cognosci possit sine sensuum concursu? puto sanè teneſcire quot habeas sensus, si hoc neges? cur. SS. Fides & reuelatio Dei venit in auxiliū intellectus, nisi quod illa mysteria supernaturalia nunquam cognoscere potuisset, nec illorum habere à sensibus speciem, si prima veritas denique non reuelasset. Ergo nauci hoc principium est, nec potes illud probare, sed gratis supponis ex latromagis res omnes naturales habere in se Characteres Analogicos cum influentijs astronomicis, seu planetis. Quare tu cum tuis Proletarijs ſciolis adeò lynceus sis, ut peruideris hos characteres in vrtica, & Beta, & nemo alius? ad obiectionem supra factā Academicis ex *Ægeriæ* specie respōdeo Aristotelē cum peripateticis colores nō ex frigido & calido sed ex perspicuo, & opaco cōponere; ut potius Plagiarius, quā aduersarius sis illorū.

E Sic

Sic enim sect. 38. problem 1. & 10. asserunt quædam calore albescere, quædam nigrescere: albedinem in calce & niue indifferentes esse, in marmoribus, radicibus herbarum frigidissimis, in lacte, & ligno putrido exiccato. Nigredinem in pipere, puluere pyrio calidissimo, in fuligine.

XVIII. Fundamentum. 2. est subiectum horum Characterum esse *balsamum radicale, vitale, spirituale, celeste* actionum in natura principii cui vni & soli accepta sint ferenda, quæ nec crassi elementariæ, nec sensui, nec manifestis qualitatibus assignari possunt, & debent. Ratio tua est; quod in rerum natura debeat aliquid dari, in quo rosa latiret hyeme, quod scilicet elementis vtcunque etiam modo corruptis specierum signaturas inuiolatas contineat ad nouorum indiniduum procreationem. hoc ais ab alijs appellatur *Balsamus vniuersæ naturæ, sulphur vitale, radicale semen, Materia prima, mumia Balsamica*. 2. delitescit autem non in alimentario, quo perfunditur humore, nec in faculentis, & crassis sordibus sed in excellentiori quadam humiditate, & in animantibus plantisq; vniuersam corporis anatomiam animale hoc balsamum occupat, in certis tamē animantibus certā magis præter, & cor. 3. huius balsami quædā partes plantarum animaliumq; certis morbis antipatheticæ sunt, vt contra sympatheticæ partibus corporis humani iuando atq; in vigore radicali conseruando. Nota. 1. hic te non esse Platoniciū præter tuam mentē, qui

nihil dicit latere in materia, sed omnes formas ex Idearum fontibus extra singularia subsistentibus extrinsecus induci: vide in Phædon, Arist. 1. Met. t. 25. & 7. t. 28. & 11. t. 18 lib 2. de Gen. c. 9 deinde incidis in explosam opinionē, ante generationē in materia quasdam entitates latitare, ex quarum singulis singulæ postea formæ substantiales producuntur. nolo multū philosophari in re per se absurda: nāeductio de potētia materiæ solū est productio alicuius ex subiecto præexistente concurrente in Genere causæ materialis. Sicut creatio est productio ex nihilo cum negatione causæ materialis. nec tua ratio probat entitatē rosæ debere reservari per hyemē alicubi: satis est vt S. Aug. 3 de Trinit. c. 7. & 8 docet, *omniū quæ ad oculos nostros prodeunt occulta quedā semina in elementis mūdi latere, per quæ illa, quæ in occulto erāt in apertum progrediuntur: hoc est rationes seminales, siue occulta semina; quæ sunt naturalium causarū virtutes actiue, & passiuæ, in quibus tanquā seminibus effecta naturalia continentur, non quod ipsis inexistat actu, sed virtute: ad quod plus non exigitur in genere causæ materialis, quam inchoata proportio seu dispositio materiæ ad formā in genere causæ efficientis eiusdē inchoata proportio ad effectū producendū. nota. 2. corruptæ rosæ nihil aliud esse illius in rerū natura, cū nihil corruptū naturaliter redire possit; nec resurrectionē mortuorū vll homo credere posset, nisi Deus dixisset; igitur hoc principium ad euertendā fidē & veritatem tendit.*

falsum igitur est hoc balsamum in *corruptionibus rerum non interire, sed elementis & mixtis qualicunq; etiam modo dissipatis seruari, uti dicis fol. 230.* Licet enim Aristoteles concedat materiam cum accidentibus in corruptionibus substantialibus superstare: negat tamen cum illo rectè Sapientum schola vniuersa quicquam substantiali rei corruptæ superesse, seu *vitale & radicale* vllius viuentis. Nota. 3. hoc modo res corruptibiles fore incorruptibiles quod est permutare vniuersi ordinem. Vbi ergo jam pones tuos characteres, si negetur hoc subiectum? sed fac interim esse: vnde probas has signaturas illi inesse?

XIX. Fundamentum. 3. est *experientia*, & vt muginaris, *autoritas* sapientum, pro. 1. citas Gygis annulum, quem Cicero. 3. De offic. pro fabula habet & Maiolus colloq. 4. de contingent. Nec nisi græcâ fide Herodoti historia illa nititur, de radice Salamonis vide Mirandulanum lib. 7. de rerum prænotion. quam inclusa annulo nullam vim habeat antidæmonicam. Sed ad vniuersas tuas experientias respondeo, similia pridem veteres Magos molitos, & expertos esse, nec tamen propterea sine diablo operatos esse: imo licet tu dicas naturales te causas adhibere non sequi tamen, ergo non operæ demonis hæc facta: cum etiam miracula contra Iob, & Moysen. S. Aug. lib. 3. de Trin. cap. 7. & 8. conce-

cōcedat vera fuisse, utiq; per causas naturales, sed tamen Acherontis auxilio patrata. pro 2. affers Chael Thetel. Hermetem: priores duo videntur ex illa fāce hominum, quos nostri Germani appellant *Jahrende Schueler* / vide Mersen. in c. 2. Gen. vers. 12. fol. 1166. Hermes illius gentis Philosophus est, ex qua omnis superstitio prognata Iuu. Sat. 15.

Dimidio magicæ resonāt ubi Memnone chordæ.
 Mesue Pharmacopæorum Euangelista dicitur apud Theodor. Zwinger, an etiam sit Medicorum, & philosophorum nondum decretum est. Itaq; si non alios Sapientes adducas, quam Thalmudicos Zingaros, & Arabes Idololatrias hoc solum probas, in nulla repub. bene morata te, tuosque Characteres esse ferendos. vide *Liu. lib. 29. & 40. Paul. Iureconsult. ad leg. Cornel. ff. de sica. & Venef. Ulpian. l. 4. § tantundem. ff. de fama excisc. Dion. lib. 17* denique decretum Honorij, atque Theodosij L. *Mathemat. c. de Epis. aud.* huiusmodi namque lib. citas, qui iuxta exemplum Apost. act. 19. illustrandi flammis essent: quid enim differunt Characteres tui à *notulis illis Ephesinis*, quas docuit Archimagus Apollon. apud *Philosirrat. lib. 4.* quibus vsi omni certamine victoria potirentur? certè *Suidas in Lex.* refert Milesium cum Ephesio in Olympiis Palæstra depugnantem ob illos characteres patrios nil potuisse, donec iudices. adimi litteras iussissent, tum qui

triginta defatigarat , succubuisse. Hic tu Iô
 Triumphe clamasses , tam clara Experientia
 effectûs characteristi ; sed iud ces illi prudenti-
 ores te rem illiberalem & indignam etiam arc-
 nâ gladiatoris iudicarunt. *Hesich.* ex illis vocibus
 & notulis refert has : ἄσκη , κατόκη , αἴς , δακνα-
 μένους , αἴσιον , τέρεξ. hoc est, Tenebræ, Lumen,
 ipse, Sol, Verum: ultimæ interpretatio excidit.
 fecerunt igitur infamem olim *notula Ephesia*, &
 tu putas tuas eiusdem furfuris probari posse,
 tanquam legitimas ? Denique ad Salomonios
 Characteras confugis , quasi tanti regis pur-
 purâ vetula superstitio tegi posset : eiusque li-
 bellum ais repertum in deserto apud filios Isra-
 ël : intelligo quàm bonus sis Chronologus,
 quia Salomon filiam Pharaonis duxit in matri-
 monium, ideò fortè cum Moyse versatus est in
 deserto, ibique libellum de magicis characteri-
 bus conscripsit. quis verò Salomon fuerit, eo
 tempore, quo scripsit *Incantationes*, *Clavicu-
 lam*, & *Annulum*, aliaque Magica, puto te
 nosse: si talis es tu, habetur intentum. quid nî e-
 tiam Numæ Commentarios citas in arca lapi-
 dea inclusos & olim in terram defossos ? Sed
 iam attende quàm constans sis in tuis dictis ;
 1. nullam vim inesse dicis Characteribus. 2.
 aliam vim superiorem esse, quæ faciat illos ef-
 ficaces. 3. te non vtendi causâ, sed tantum
 speculandi proposuisse fol. 237. primò con-
 tradicis

traditis in omnibus tuis exemplis; ubi semper
 dicis *imago vel figura Falconis V. G. fol. 244. si*
in Topacio sit, ad acquirendam beneuolentiam
Regum, Principum & Magnatum facit: nec ver-
 bum de vlla alia virtute: igitur vel hic, vel supra
 mendax es: sed ita huiusmodi *ἡγεμονία*
ἀγογῆς & Agyrtæ circumforanei simulant a-
 lia, quàm sentiunt, & homines pro fungis ha-
 bent. deinde, si vir es bonæ fidei, ostende
 sis illam virtutem superiorem. Deum? unde
 scis omnibus Magorum nugamentis assistere?
 an quia os Balaam impleuit benedictionibus,
 cum ille vellet maledicere populo Israelitico?
 vel quia Pythonissæ artes impediuit, & verum
 Samuelem exhibuit Sauli? vel quia Ochoziæ
 consulenti Beelzebub misit Eliam, & mortem
 nunciauit? Exhibe vllam promissionem diui-
 nam, vel Experientiam ubi Deus iuuerit hu-
 iusmodi superstitiosa deliria: gratis igitur im-
 pingis Deo, quod non potes demonstrare. re-
 curris igitur ad Influencias fol. 240. his
 verbis: *Itaque si effectus est naturalis, etiam*
causa talis erit & contra. Iam autem imagi-
num sub certis astris sculptarum effectus natu-
ralis omnino est. scilicet. Quæro. 1. an hanc vim
 & influxum acquirat imago propter conformi-
 tatem cum signis celi sed inter pleraque tua sigil-
 la & astra nulla est: at siue sit conformitas, vel
 diuersitas, vtrique tamen solum est relatio
 vel

vel Denominatio extrinseca, quomodo potest ergo has influentias detrahere cælo? deinde cur non omnes imagines sculptæ, pictæ, similes, vel dissimiles Schematismis cæli easdem Influentias fortiuntur, & vim ad eisdem effectus, quos dicis Characteribus tuis inesse? 2. an hæc similitudo vel dissimilitudo naturalis? tu videris supra citatis verbis supponere falsò: solùm enim ab Astrologis confictæ illæ figuræ Veneris, Saturni, Scorpionis, Draconis &c. nec in cælo vera hæc monstra stabulantur: inuentum igitur humanum, & arbitrium est, nihil potens ad cæli influxus conciliandos, nisi tu habeas aliud *impluuium*, per quod cæli certæ virtutes infundantur sigillis tuis. 3. an vnā stellam putas influere cæteris otiosis ex eadem constellatione, cum fol. 255. dicis. *Aquarij figura si sculpta fuerit in viridi laspide, & quis secum portauerit lucrum prabet in vendendis, & emendis rebus, & ab eo mercatores consilium querent, & in suum domicilium merces portabunt?* cur vna, non omnes, cum Aquarij Constellatio plures stellas includat? sin omnes: nonne diuersas, & fortè contrarias virtutes destillabunt? 4. quomodo cauebitur, quod mones fol. 284. unde *in his figuris formandis vnicè spectandum, ut is planeta, cuius quis sibi virtutem, & influxum cupit conciliare ab omni impedimento sit liberrimus.* quis coërcere potest vicinas stellas & planetas tunc occurrentes, ne simul depluant suam virtutem

tem in illam imaginem, & sic mutuò suas vires destruant. ? igitur sine ratione asseris vnus astri virtutem inferi tali characteri, nisi dum suam influentiam absoluat vna stella, cæteras exoculare velis, aut totum reliquum cælum obnubere tapetibus. 5. vnde cognouisti, si non aliquis arcanus spiritus tibi dixit, has & non alias, huius efficaciam, & non alterius influentias in hoc sigillum descendisse, cum sanè occultissimæ sint? vt non nisi temerario mendacio tu certas determines cū tuis nugiuendulis. 6. vnde perspectum has influentias adeò permanenter infixas hisce tuis imaginibus, vt nunquam expirent? cū denique ipse Magnes suam virtutem amittat, nisi ferri scribe, aliisque mediis alatur? Nihil ergo, nisi meram superstitionem spirant hi characteres: vt rectè. S. August. lib. 10. de Ciu. c. 9. & 11. vbi cum ex Porphyrio retulisset fieri solere in terra ab hominibus herbas, lapides &c. certis quibusdam figurationibus, atque figmentis, quibusdam etiam obseruatis in cæli conuersione motibus siderum, quæ virtutem idoneam habeant aliquibus exequendis addit. S. Doct. *Totum hoc ad Demonis pertinere ludificationes.* vide speculum Rosæcru-
ciorum. c. 9.

XX. Tertium etiam falsum; quod tantum speculandi causâ attuleris: cū ita practicè doceas methodum fol. 279. acquirendi Mercurialem influxum pro intellectu, ingenio, memoriaq;

acuēda; vt in *Geminis* vel *virgine*, in quibus signis suum habet domicilium sit fortis & fortunatus in Oriente vel medio celi inuenta hora, horaq; minuto, fiat celestis figura una cum aspectuum delineatione, diligens & artificiosa sculpiura in argēto puro, quæ postea serico albo inclusa reseruatur, tiamq; eâ parte, quæ præcisè cerebellum contingit, additis moschi optimi aliquot granis insuitur: præcipuè autē de nocte, ac euidentius illâ horâ, & tempore quo sculpiura, & inchoata, & absoluta, operationē perficere animaduersum est hoc cine est speculari? sicut sicut fabri, cū ædificant. Sed vt characterum tuorum vanitas appareat, nugas aliquas hīc enumeremus. 1. si intellectus potest acui cum tāta experientia, vt prædicas, cur non aliquando ex stulto fecisti sapientem? at intellectus spiritualis est ad æternitatem ordinatus, incorruptibilis: nihil igitur in illum potest materialis influentia fiderum; si enim posset aliqua perficere cur non, alia aduersa destruere? quod Atheismum sapit, 2. in somno vbi nullus vsus est ingenij, quomodo acuetur? cur non etiam ebriis crescat, indoles animi, si vapores illi somnulentis nihil officiunt Mercuriali virtuti? 3. cur tam imbecillis hæc vis sideris, vt non nisi per argentum agere possit, non ipsa per se immediatè iam quod ad modum attinet figuræ quis tam expeditus est artifex, vt illam delineet sub illo aspectu cæli in tanta celeritate motus celestis

pau-

paulo ante & post horam matutinam. 5. ut dicis?
velenim requiris punctum concursus, ut cæteri
Astrolagomagi, vel etiam antecedens & sequens
tempus, quod est contra astrologomantes vni-
ce punctuales. Sed & Mercurij cursus etiam
num inexploratus Mathematicos vexat: quid
ergo tu de re in certa nugaris? quid Moschus illi
parti corporis naribus aptior? nōne etiam cubito
percipies odores? quid denique influentiæ cum
moscho, an misceri potest res insensibilis aut
componi cum re sensibili? nugæ nugarum. Cur
non, pargas ingenium tuum elleboro albo sicut
ille veterum Philosophus, fortè maiorem senti-
res effectum, & præsentiozem. Sed dicis fol.
234. & seq. tuos characteres non esse Goeti-
cos, sed naturales; audio: quomodo probas?
non video cit. loc. aliam rationem, quam quod
animam tuā diabolo non deuoueris. nego con-
sequentiam, quicquid sit de antecedente: nam e-
tiam olim in septentrionalibus regionib⁹ Dæmo-
nes non solum instar famulorū domesticorū fa-
miliares erant, quos *Drullos* vocabāt sed etiā cu-
rabant equos industrij alias in omni genere offi-
ciorū; non rarò morbos, pericula vitanda mone-
bant: quos credebāt habitare in occultis ædium
locis, vel in congerie lignorum, nutirebantque
eos lautè omni ciborū genere, eò quod afferre so-
lerēt nutritorib⁹ suis frumentū ex alienis horreis
furto sublatū: *pollent enim inquit Camerar. cent.*
1. subsec. cap. 73. spiritus illi tenues, & incom-

pre-

prehensibiles singulari acumine utpote exercitati
 longissimo usu & experiētiā. Vnde fit ut ex natura-
 libus causis longè ante aliquid, & citiùs praevidere,
 & cognoscere accuratius possint, quam homines
 corporrâ mole grauati: nonne hæc omnia sunt
 naturalia. & tamen non sine Dæmone gesta? nec
 animi hi deuoti orco; nihilominus teste Ioan.
*Met*o miseri Sarmatæ illusionibus & præstigijs
 stygijs etiam in hodiernum diem exagitantur:
 non semper diabolus emancipationem pacisci-
 tur pro suis obsequijs, præsertim vbi non esse ne-
 cessarium prænoscit. Nonne decepit Sathan pri-
 mam parentem pomo, cui dixit inesse vim Deifi-
 cam? Quasi vero sub natura diabolus se non
 posset occultare, cum nihil magis cupiat quàm a-
 pud fatuos homines auctoritatem sibi concilia-
 re mirandis factis ex natura vel superstitione pe-
 titis, & emendicare sibi cultum diuinum, qui pri-
 dem *similis esse voluit altissimo* Isa. 14. Dices eti-
 am Catholicos DD. Caiet. 2. 2. q. 96. ar. 2. Al-
 bert. Mag. Castro prologom In Proph. conce-
 dere characteres, & asteriscos huiusmodi, re-
 spondeo. 1. Parum propterea cæteris magnis vi-
 ris probari & passim refutari hanc doctrinam. 2.
 tantum ad materiales & naturales aliquos effe-
 ctus concedere, tu verò exaltas ad spirituales, &
 pene supernaturales, ut fol. 236. *Moysem initia-
 tum Magia, annulum obliuionis & amoris dedisse
 Ethiopissæ, ut ipsius obliuisceretur quo etiā facto*

in Egyptum liberè ipsum remigrasse : præter-
quam quod fabulosa similia plurima afferas, tri-
buis tuis sigillis, quod ipsorum virtutes excedit.
vt Iouis figura fol. 255. si in Hyacintho sculpta
sit ac in auro ligata. & quis talem annulum secum
portauerit, seu figuram huius annuli impressam in
cera collo suspendat à regibus, & sapientibus quic-
quid voluerit, impetrabit : ergo præ omnibus
quisq; volet impetrare regnum, & satis pecuni-
arum. quid nî ergo pridem rex es? & vbi expe-
rientia, hac arte quemque ab alio regnum obti-
nuisse: sanè hodie non essent tot bella, si tua ars
vera esset, deinde Caluinus sapit hoc artificium;
voluntas quippe libera, si quid nolit, ad illud nul-
la vi, vel arte cogi potest: non igitur impetrabis à
sapiente, quod voles; præsertim vt talibus deli-
riis tuis credat. Dæmum omnipotentes facis tu-
os characteres: & cum Deus etiam sit rex, & sa-
piens etiam illum cogere poterunt ad placita
tua: quæ impietas? citati verò autores solum
concedunt virtutem medicinalem simplicibus
tamen sigillis, quibus si addantur characteres im-
pertinentes, vt tu addis, omnino reijciunt tanquã
signa Demoni pacta; docentque talem figuram
Leopis V. G. per conformitatem ad astra solum
esse dispositionem ad recipiendam influentiã ab
astris talẽ, quam aliàs nõ reciperet. Contra quos
ramen ipsemet concedis fol. 237. verbis supra cit.

figu-

figuram non esse principium agendi, nec ad alterationem, vel ad naturales effectus & virtutes per alterationem producibiles nihil per se conferre. quis enim non superstitiosum iudicaret, qui depingeret in ligno figuram ignis, ut calefactionem melius reciperet, & cur non etiam qui in metallo describit imaginem solis ad influentias illius seu actiones melius recipiendas? *Dices* motum localem aliquid conducere ad figuram: respondetur solum dispositiue, ut agens melius applicari possit loco. prout actioni intentæ magis expedit: nam figura habet proportionem cum vbi, illique naturaliter accommodatur, ideoque seruire potest ad localem applicationem; non autem ad aliam actionem. Sed audi Bodinum tuum de Dæmonoman. lib. 2. c. 2. chartam inquit, aut characteres subnecti collo, quicquid inscribatur *Astrologicum* cum Ioanne Chrysostomo & Augustino statuimus meram esse idololatriam, si ignorantes fecerint: sortilegium verò, si istud illi commiserint, qui nouerunt interdictum, nec eo minus fidem superstitionibus adhibent. Ioan. item Geor: Gōdelman, Electoris Saxonie consiliarium lib. 1. c. 8. de curat. morb. præstig. qui admissis naturalibus & rationalibus curationibus subiicit: *Quando res naturales, ut herba, in certa calis constitutione collectæ, characteres, verba, sigilla carmina, quæ nec Qualitate elementari, nec occultis viribus agere possunt, collo aut certis partibus corporis appendun-*

Penduntur, ut cum Hypericon, aut Arthymisiæ
 ad fugandos Demonas in domo suspenduntur, tum
 illa amuleta sunt Sacramenta diaboli, & si morbi
 per tales appensiones curentur, aut aliæ actiones
 perficiantur non viribus earum rerum sunt, sed
 Diabolus ipse ex pacto, vel tacito vel manifesto per
 illas curat & agit. vides quam naturalia sint hæc
 signa? deinde clarius distinguit amuleta in natu-
 ralia & superstitiosa. tanquam Hæreticus omittit
 supernaturalia, quæ sicut virgâ Moysis vel aqua
 Zelotypiæ supernaturali vi operantur. *Naturalia*
 inquit sunt licita, & sunt res quæ sua formæ
 substantiali, siue occulta proprietate diuinitus in
 prima sui creatione indita, semper eodem modo a-
 gunt in corpora, quibus applicantur, siue sua sym-
 pathia, siue Antipathia, qualia esse creduntur ra-
 dix & semē Peonæ collo appēsæ. Item Viscus quer-
 cinus in præservandis & curandis puerulis ab Epi-
 lepsia. Item Corallium rubrum orificio ventriculi
 appensum corroborat ventriculum. Item annulus
 ex ungula Alces diguis vel manuum vel pedum ge-
 status, medetur conuulsioni, non sua Qualitate, sed
 occulta virtute. Superstitiosa amuleta illa sunt o-
 mnia, quæ paulo ante de verbis, carminibus, her-
 bis, lapidibus metallis cereis imaginibus, (modo
 non intelligat hæreticus sacras cereas imagines,
 sed planetarias tuas Cocleni quas saltem tanquā
 sub vniuersali cōplectetur, etiā) characterib. &c.
 col-

colliguntur, finguntur, scribuntur, appenduntur & gestantur. Quæ omnia ad morbos profligandos à natura nullas habent vires, nec acquirunt à stellis, sed Diabolus per ea tanquam per Sacramenta sua operatur; en virum non pontificium, sed heterodoxum, & æstima cui plus credendum tibi an illi? & discrimen inter superstitiosa & naturalia agentia diligenter aduerte: illa ex tempore suam vim acquirunt pro arbitrio alicuius Magi, quasi conditores Mundi sint ista mancipia stygis: hæc in prima sui creatione virtutem actiuam à Deo accipiunt, & semperque eodem modo operantur: tu verò tum primum Gemmis mirandas virtutes inesse prædicas postquam sub certis constellationibus sculptæ imaginibusq; ac signaturis impressæ fuerint & signatæ fol. 238 quæso te dic vllam rationem cur non etiam scamnum, vel mensa fiat actiua si sub aliqua constellatione certa fabricentur, vt illud lassitudinem, hæc famem pellat: si gemmæ ex sola sculptura possunt acquirere tantam efficaciam?

XXI. Cedo iam tu cum omni tua scientia, quam crepas omnibus foliis occultarum virium & Astralisismi, quæ distinguuntur Naturalia à superstitiosis periaptis? videris conari, fol. 239. his verbis. *Quare in singulari facto, non aliam præterquam quæ nobis videtur esse, statuere causam, temerarium duco. Quis enim negare potest, diuinitus, aut genij alicuius (nigri an albi dic.) virtute: aut etiam*

etiam causis accidentariis & fortuitis, posse produci effectum similem naturali: o caput tribus Anticyris insanabile: ideone tui characteres naturales, & non superstitiosi, quia similem illis effectum Deus, Genij, vel causæ fortuitæ possunt producere. Quis denique effectus foret magicus? cui modo hæ causæ possent producere similem, jam esset naturalis: & cui Diabolico portento Deus vel Angeli boni non possent similem efficere? atque ideone quod rupes quædam maris fluctibus paulatim exesæ, & quibusdam cauernulis & foraminibus ita pertusæ fuere, vt satis profundæ & sonoræ ad proportionem harmonicam ventorum vi musicam casu consibilarint, etiam per præstigias orci consona mele sagarum non sunt Acherontica? folio 234. clarius distinguis: facere statuas è ligno vel alia materia loqui, & ad propositas quæstiones respondere, moueriq; motu progressiuo. 2. manifestare quædam occultissima, vt res quæ geruntur, vel dicuntur in remotissimis regionibus, quæque quis dixit, vel fecit ais esse mentis cuiusdam sublimioris opera, quam est humana, prædictasq; operationes non perfici causis naturalibus: hæc tamen omnia tui Athei symmystæ causis naturalibus tribuunt, vt apparitiones Angelorum Agrippa magister tuus in vectore spiritu, Catoptrica; mirabiles curationes morborum Idiosyncrasia seu temperamento, quod Gentili fulginati Petrus Aponensis tribuit:

F. &c.

Et Abenragel ex siderum sibi cognita positione infantem nascentem vaticinaturum prædixit, qui post 24. horas à natiuitate suam paternæ familiæ calumnias imminentes denunciauit: vide conciliat. exposit. 27. problemat. apud te. vero. fol 244. *Asinimago si in Chrysolito sit virtus eius erit futura prognosticare & prædicere: vbi tibi met contradicis, futura si quidem prædicere difficilius est quàm facta; quis ergo superest effectus, qui in schola tua non reperiatur causam naturalem, si hic potest è gemma nasci propheta? video vero te simulatorem esse insignem, quædam verba effuris subinde, tanquam dissentires à Pomponat. lib. de incantat negante omnem Dæmoniacam, magiam, & à Cardano, Forliuio, Garbur, Fulginate, Aponensi omnia τῆ ἐνέργεια rerum ascribentibus, cum tamen ἐν αὐτοφωρίᾳ deprehensus hos omnes errores supponas. Ex quibus facile est monstrosis illis effectibus naturales causas assignare. Sed vide quam te ipsum prodas: si nullus alius effectus est ex præstigiis, nisi duo illi supra numerati, tunc omnia Veneficia Medæ, Anthropomorphoses Circeæ Thessala Volumina, cantamina Appuleiana, Sagarum vehicula sunt legitima, Diabolici-que commercij eximia: nec enim hæc in illis numerantur: quod nec ius, nec leges concedunt, nec ratio naturalis. quid enim superstitiosius illo Quinti Sereni Medicinæ, c. 21. & similibus?*

Inscribes

*Inscribes charta, qua dicitur A-
bracadabra*

*Sapius. & subter repetes, sed de-
trahere summam,*

*Ve magis atq; magis desine ele-
menta figuris*

*Singula, qua semper rapies, &
cetera figes,*

*Donec in angustum redigatur
littera conum.*

*His lino nexis collum redimire
memento.*

Abracadabra

Abracadabr

Abracada b

Abracada

Abraca d

Abraca

Abrac

Abra

Abr

Ab

A

*Hæc tamen vniuersa tu iure Naturæ donas:
Sed ipsos characteres tuos aliquot inspiciamus.*

I. Conditionem aliquam requiris fol. 244.
vt in conuenientibus lapidibus sculpti magna
cum reuerentia & deuotione gestentur & cu-
stodiantur, tum multarum mirandarumque vi-
rium esse: vnde repentina hæc tua religio? nem-
pe si quis fol. 241. ad *Latitiam Venustatem* robur-
que corporis imaginem Veneris' poma floresq; te-
nentis gestet, casta & sancta cogitabit? deinde
nonne hæc est stolidissima Idololatria reueren-
tiam & deuotionem requirere ad imaginem Ve-
neris gerendam? quod ad efficaciam attinet,
non credo posse naturam expelli hac icone,
vt ex tetrico & melancholico facias sanguineum

& lætum, hominem omnium horarum:

II. *Tauri imago si in prassio sit ad maleficia iuuare dicitur & in Magisteriis gratiam præbet:* hic amphibologia est an promoveat, vel tollat veneficia, prius nefandum; posterius impossibile: non enim tolluntur veneficia nisi amoto fascino, vel impedimento ne possit agere. 1. tua figuram nunquam faciet, præsertim si sub limine fuerit defossum, nunquam extrahet inde. 2. solus Deus potest, & subinde causæ secundæ antipatheticæ non nihil impedire, si veneficium naturalibus acti & passiuis constet (etenim in herbis, lapidibus & aquis ac reliquis naturalibus rebus mirificas inesse virtutes, hominibus quidem ignotas, quas tamen dæmones cognoscentes, citissimo quodam motu afferre possunt, quocunque velint ad insolentissimos effectus demonstrandos testatur Soto de iust. & iure libro. 8. q. 3. a. 2.) ita Arist. Plin. Rutam, Gagaten, Hyenæ pellem præscribit contra veneficia; valent enim contra dispositiones corporis, quibus dæmon abutitur, ideoque indirectè refragantur Dæmonis actioni: cum vero præter hanc actionem naturalium agentium plerumque adhibeat suum motum localem ad diuellendas aliquas partes intrinsecas corpori excantato, vel inferendum aliquid extrinsecum, ubi sola est diuisio continui cum maximo dolore coniuncta, & similes modi actionum sexcenti: certe tuis illis asterismis, licet effi-
cacia

cacia naturali pollerent, nec hilum promoueres. Sed quid Magistros iuuare potest tauri effigies: nisi intelligas Magistros laniones? deinde in plurimis Academij; Magistri plerumque creantur post solstitium æstium, vel in autumnō: tu tamen fol. 278. notas quodlibet signum quamdiu sol in eo est, viuum fieri, ceterisq; dominari, effectumque eius præ aliis sentiri, idēq; semper plantam dirigendum ad locum esse, id est signum, faciem, gradum, quem sol illustrat. At sol tunc non est in tauro: nihilominus doctissimi viri creati sunt Magistri sine hoc taurino influxu: cui adiungendum ne etiam erit accuratum studium nec ne? si prius, bona indoles non eget bubula influenza: si posterius; ex caudice, qui natus vernecum in patria cum tuo tauro nunquam facies Musagetem. III. *Upupa* figura cum *Dragone* a herba ante se, si in *Beryllo* sit, virtutē habet aquaticos prouocare spiritus, & loqui cohibere, deque quæ sitis ab eis responsa recipere. Nondum fatebere te Necromanticum esse? tuis te verbis iugulas fol. 233. vbi *Goetiam* dicis esse in vocationem malorum spirituum: & quid hic aliud doces? nunquid Aquatici hi spiritus dæmones sunt, à quibus olim oracula petebant, quæ tu nouus Idololatra reuocare cupis, vide vitam *S. Bernardini* qui *Arretinos* ad eiusmodi fontem consulentes Dæmonem publica concione dehortatus; & mox accepta securi vel malleo cum populo egressus ad fontem,

cumq; ad fanum demonis peruenisset, primus ipse
 scetibus caput contundere, eueritq; aram, & fon-
 tem lapidibus penitus obturauit. horum fallaci-
 as secutus Andronicus periit apud Choniātē; cum
 Hydrodæmon interrogatus de successore S. de
 in. I. expressisset in aqua, suspicatus ille Isacium
 comnenum designari, qui ab Isauria digressus
 Cyprum occupauerat; iterum interrogat de
 tempore; responsum ad exaltationem crucis;
 quo breui spacio cum ille aduentare non posset
 ob distantiam, neglexit oraculum; sed ad præ-
 nunciatum tempus Isaci Angeli, quem semper
 tanquam imbellem spreuerat, iussu occisus fuit:
 considerent hic curiosi, quam in perniciem hi
 magistri ducant. Tu vero Gocleni, toto libello
 te excusas criminis magici; qua fronte? tam do-
 mesticus orco? vt dæmones ad nutum doceas
 euocare? figura nempe tantam vim habet ad
 hoc negocium, quam veneficarum, ollulæ ad
 tempestates. Quatuor similes habes alias ima-
 gines eodem fol. 245. *camelini capitis, vel dua-
 rum caprarum* ad conuocandos, congregandos
 & constringendos dæmones. Quis bonus Chri-
 stianus cupit conuocare stygem, vt tu audeas
 hanc artem tanquā honestam veditare? quis hoc,
 nisi carnifex profitetur, vt sagas cōgreget in foro?
vulturis in Chrysolito: quæ præterea gestanti dæ-
 mones faciat obedientes: Quadratè stultus es.
 Qui omnipotenti Deo noluerunt obedire; cre-
 disne

disne miseris mortalibus æui parituros? qui repudi-
 at Imperatorem, seruiet Statio stabulario? *ves-*
pertilionis in Heliotropio potentiam resistendi
 Dæmonibus. Nunquid pones circulum in nari-
 bus eius? *Iob. 40. v. 21. qui factus est ut nullum ti-*
meret. 41. v. 24. Hem miseriam hæreticorum:
 Ecclesiæ Catholicæ honestissima contra stygem
 auxilia aspernantur, & vespertiones sordes ani-
 malium auerruncos credunt; ita qui nutrie-
 bantur in crocis amplexati sunt stercorea *Thren.*
4. v. 5. vrsi in amethysto fugandi Dæmones
 virtutem habent. scilicet quia bipes & quadru-
 pes incedere nouit: *sol. 252. viri stantis supra*
Draconem (in ludibrium Sancti Michaelis) &c.
obedient omnes spiritus subterranei & reuelabunt
omnes thesauros leui carmine: quis adhibet hæc
 carmina nisi Geomantici? ex his patet. 1. tenon
 lingua vel calamo lapsum, vt proderes Dæmo-
 nomagum, & si neges deinceps, perinde credi-
 tum iri, ac si iurares Iouem lapidem illum qui
 Christo se adoranti promisit omnia regna mun-
 di fuisse gemmularium. 2. nunquam amu-
 letum aliquod Characteristicum naturale esse:
 sicut fuit *apud Osor. lib. 7. de rebus Africis &*
Indicis Nahodabeguae principis Malacensis ca-
dentis in conflictu Albuquerqueij; cuius tamen è
 vulneribus nihil sanguinis stillabat, donec
 armilla aurea detraheretur spoliato à Lusitanis,
 in qua lapis fuit, (qui eruitur ex animali, quod

Siamenses Cabrifiam appellant, qui talem vim ad sanguinem sistendum habet) qua dempta ex omnibus vulneribus erupit sanguis. Quare apud Marcel. lib. 19. totum hoc genus amuletorum, tanquam capitale prohibitum & punitum fuit legibus Imperatorum.

§. VI.

Vnguenti Descriptio & usus.

QUod ad *descriptionem* attinet, reperio in illa *rec. usnea* concretæ in caluaria furis suspensi, & in aëre derelicti; *mumia* veræ, quæ apud *ie Mirab. Nat. lib. fol. 11.* est sanguis concretus corporum Ægyptiorum myrrha, aloë, cassia, amomo & id genus aliis odoriferis conditorum: *sanguinis* humani adhuc calentis sing. vnc. 1. &c. quæ sane sunt horridissima, nimirum ex patibulo desumpta: Mumias in medicinis damnat etiam omnino Erastus, atque vt compendio dicam, simillima sunt omnia pollinēturis sagarum, aliorumque veneficorum, quibuscum Dæmon ferè nunquam paciscitur sine huiusmodi euisceratione corporis humani, cuius sanguinem sitit: vt patet ex tot infanticiidiis veneficarum & maleficiis coniuratis in totum genus hominum, & decreto Pseudothei

Dæ-

Dæmonis in conuenticulis nocturnis proclamari solito *ulciscimini vos, alioqui moriemini* apud doct. *β. Delrio lib. 2. q. 16. disq.* Quare cum calentem exigas cruorem hominis, videris vel Magicam, vel Iudaicam insinuare phlebotomiam in alieno corpore. *In usu vnguenti* laudo, quod stipites vel similes res inanimes, & exsenses iubeas illo pollinciri: nec enim alio subiecto dignius est: *de modo*, quo iubes adhiberi, multa suspecta sunt. 1. *quod immergendum telum, vel in huius defectu lignum seu ramus salignus in apertura cruenta madefactus, in vnguentum.* Quid si quis vaginam pro gladio vngeret, quæ tanquam coriacea, magis egeret? vel lapidem, cruentatum aliquem vulnere sanguinante: cur enim lignum & non lapis posset substitui ferro, si non intercedit pactum Diaboli ad illud, non ad hunc concurrentis? 2. *quod attendendum, casum ne an punctum factum sit vulnus, in punctura telum inungendum à cuspide caputem versus, in casura ab acie versus tergum.* hæc luculenta superstitio est: si vnguentum naturalis causa est, quid iste modus ad rem facit: siue potionem, medicam dextra siue sinistra sine pacto Diaboli porrigas, eundem effectum habebit; nec enim iste modus vnguento aliquam Qualitatem superaddit: denique vtrouis modo linas lignum, ex tuo arbitrio pendet vtra superior sit pars, vel

inferior: quid faceres, si capuli contusione, perinde ac si punctum foret vulnus factum? cetera mitto: sunt enim aniles superstitiones: sic passim infigunt à vetulis edocti mellores in aruinam cultros ut curentur: item nuper à viro clarissimo relatum est: cum agitatione canis ouicula pedis anterioris crurifragium passa esset, isque pauperculo satisfacere cogitaret, cuius erat pecus; intellexit à seruo curatam jam esse ouiculā, quod villicus sellæ tripodis pedem obligasset. Viden gemellas tuæ superstitiones Medicationes?

Verum ut finem faciam tuarum nugationum, video demum ignorare te vim emplastrorum & vnguentorum; tu tribuis illis vim per se sanandi, cum sint tantum per accidens sanantia teste *Minder. Thren. med. cap. 14.* utpote rescindentia sanationis & consolidationis impedimenta: quæ sunt pus & externæ iniuriæ: itaque repurgatum vulnus quotidie & siccatum absque emplastro, sed per hoc commodius curatur: ita canes & vrsi sola lambitione, quæ mundificationem præstat, ex qua consolidatio vulneris consequitur absque vnguento armario sanescunt, quod non tam linctui salutari, quam repurgationi per crebrum linctum procuratæ ascribendum merito iudicat. *cit. Mind.* Ossis autem fracturæ nullam aliam opem nec operam præstat Chirurgus, nisi quod iuncturas rite inter se compingat & arcta ligatione, ne rursus luxari queant, confirmet; reli-

reliquum Naturæ committat. Vnde cum tu
præter teli axungiam diligentem vulneris curam
imperas, per hanc non per illam curatur, aut ex
pacto diabolus huius vnguenti actiua passiuis ap-
plicat in vulneris loco: nec te ab hac infamia
Maximilianus Imperator liberabit, cum sine
autore illum cites, nec dicas. i. an. it. sit. Qua-
re si sapias ab hac Infamia magica
resipisce.

*Ad Maiorem Dei Beatissimæque Virg.
honorem.*



INDEX



INDEX PRÆCIPVARVM
Questionum.

EX S. PRIMO.

I.

AN philosophia rectè constituatur tantum
in his 4. principiis. 1. Antipathia. 2. Sym-
pathia. 3. astralismo seu influentiis. 4. Synar-
thrismo, siue an philosophia ex his. 4. paradoxis
compacta sit Vera astralis philosophia? fol. 4.
& 5. th. II.

II. An detur Anima siue spiritus mundi
qui sit fons omnium animarum, atque mens
Vniuersalis? fol. 8. N. 3.

III. An spiritus: secundum Goclenium
iste sit substantia vel accidens. Vel aliquid
transcendens? fol. 8. N. 4.

IV. An sidera habeant occultas influentias
in hac inferiora? fol. 11. N. 5.

V. An lapides, metalla, hominis alio-
rumq; animalium partes & animi affectiones,
à Certis planetis aliisq; stellis fixis, quas in

con-

congressu cum Planetis illorum vim & naturā
imitari fingunt, dependeant & inde Originem
suam habeant? fol. 13. & seqq. N. 6.

V I. An quodlibet indiuiduum sub de-
terminata cōstelatione incipiat, accipiatq; prae-
ter temperamentum primarum qualitatum a-
liud, nimirum confectum ex occultis Astro-
rum viribus propter varias operationes? fol.
17. N. 7.

§. II.

V II. Quomodo propagetur in distans
Virtus illa Magnetici vnguenti? fol. 24. N. 9.

V III. An huius propagationis sit vera
& radicalis causa virtus Magnetica, quae ra-
tione id probetur? fol. 27. N. 10.

I X. An telum in prima sui generatione
acquisiuerit sympathiam cum Vulnere, aut an
primum per artem ipsi infundatur? fol. 28.
& seqq. N. 10.

X. An (spiritus ille) possit sympathi-
am ex definitis & propriis constellationibus
inducere ac vim sanatoriam vsque ad partem
vulneratam traducere sine accidentis ex subie-
cto in subiectum Emigratione? fol. 32. & seqq.
N. 11.

IX.

XI. *An Astronomia per phantasiam & tortem imaginationem alienum corpus realiter afficere & transmutare possit?* fol. 37. N. 12.

XI. *An anima sub felicitate astri Dominio infusa eiusdem sideris operationes acquirat?* fol. 37. N. 12.

EX §. III.

XIII. *An totum Vniuersum animal sit eiusdemque partes membra?* fol. 44. N. 13.

XIV. *Tres alia celebres & Veriores de Sympathia & antipathia sententia?* fol. 47. N. 14.

XV. *An Exempla adducta Goclenij sententiam probabilem reddat?* fol. 48. & seqq. N. 15.

EX §. V.

XVI. *An plantarum macula & foramina sint signa celestium Influentiarum?* fol.


EX §. VI.


De Variis superstitionibus? fol. 86.


De modo & conditionibus Vngendi velum Vnguento Vnguentario? fol. 87.

Errata sic Emendata.

Pagina 7. x. 4. Auerroista. lege Auerroistas.
p. 8. x. 15. In eolam. leg. Incolam. p. 10. x. pe-
nult. vllum. l. vllam. p. 20. x. 19. Exuernit l. Exue-
rint. p. 29. x. 15. sonatiuam. l. sanatiuam. p. 31. x. 1.
stella. l. stelle. p. 36. x. 4. tortiorem l. fortiorē. p. 37.
x. 14. Arientē. l. aiente. p. 41. x. vlt. terræ. l. terra.
pag. 42. x. 13. XI. l. XIII. p. eadem x. 20. scere-
brum. l. cerebrum. p. 47. x. 13. hellebero. l. helle-
boro. p. eadem. x. vlt. ad l. con- p. 48. x. 7. conno-
tatiorem, l. connotationem. p. 53. x. 19. singulos.
l. singulis. ibid. alterias. l. alterius. ibid. credibillas,
l. credibius. p. eadem. x. 20. quam. l. quem p. ea-
dem. x. 21. quum. l. quàm. p. 57. x. 18. nugumen-
tum l. nugamentum. p. 64. x. 15. pratem. l. partem
p. 66. x. 7. vinuersa. l. vniuersa. p. eadem. x. 20. Sa-
lamonis l. Salomonis. p. 74. x. 5. corporra. l. cor-
poreâ. p. 75. x. 7. sapientibus. l. sapientibus. p. ea-
dem. x. 17. dæmum. l. demum. p. eadem. x. 24. de-
moni. l. dæmoni.







195

5-